



BODOLAND SPEAKS

From Vision to Action

An initiative of
Bodoland Territorial Council



Inaugurated by

Dr. Himanta Biswa Sarma
Chief Minister, Assam

In august presence of

Shri Pramod Boro
Chief Executive Member, BTC



Date: 6 July 2025 | Time: 03:00 PM
Venue: Srimanta Sankaradeva International Auditorium, Guwahati



PROGRAMME



Release of Books

- ◆ **BTR Communication Bridge**
A Practical Resource of 1001 Words and 1001 Sentences in 18 Languages of the Region
- ◆ **Transforming Bodoland**
A Journey of Change in BTR
- ◆ **Lookin' Within: My Reflections**
Authored by Shri Pramod Boro
- ◆ **Annual Report of the Bodoland Happiness Mission (2024-25)**

Launch of Initiatives

- ◆ **Bodoland Engaged Ethnography Initiative**
- ◆ **Bodoland Migrant Women Livelihood Support Programme**
- ◆ **Interaction with the Literary Organisations and Community Leaders of BTR**

Award Ceremony

Conferment of the Bodoland Lifetime Achievers Award – Folk Cultures 2025



Bodoland Territorial Region

Issued in public interest by IPRD, BTC

सुजुगिरिनि खोलोम

थांरिख होसोनाय

जिउआव मोनसे नङ मोनसे हाबा मावनानै जिउ खुंनायनि लामा नागिरनानै सँदिह्नुनो नाजयो साफ्रुम सुबुंफोरनो। आरो बे लामा सनानै नागिरनायाव खायफाया जाफुंसारो आरो खायफाया लामा ससेनिफ्रायनो आन्दयनानै थांफिन्नो गोनॉ जायो। जाफुंनायनि लामाखौ जौं एरैनो गोलेँवै मोनफुंनो हानांगौया गोब्राब जायो। बेनि थाखाय गोब्राब नाजानायनि गोनांथि जायो। जाफुंनाया फरायनानै गोरें-गोर जानाय, सांखि-बांखि मोन्नो नाजानाय, आबाद मावनाय, फालांग खालामनाय, फिसा-गिदिर उझाफोर गायसन्नायनि गेजेरजौं फैनायनि अनगायैबो रजखांन्थिनि फोथारवबो जाफुंनाय-जाफुंङेखौं नुनो मोन्नाय जायो। जाफुंसारनाया सोरनिबा जिउआव खाबु जानानै नुजाफैया। बेनि थाखाय अराय सम नाजानाय, गोखों थांखि लानाय आरो मोजां मोजां हुदाफोर सोलौंनाय आरो हाबा मावनायनि गोनांथि फैयो। नुनो मोन्नाय जायो- मुलुगनि बयनिखुइबो जाफुंसार सुबुंफोरनि माखासे हुदाफोरा बिसोरनि जिउ दिङाखौं सरासन्खा सुबुंनिफ्राय जाफुंसार सुबुंसिम महर होनो हानाय नुनो मोन्नाय जायो। नाजाथाबनायनि बे हुदाफोरनो थांखिफोरखौ जाफुंहोनायाव मदत होनाय आरो गोसोयाव जोबनो गैयै गोजोन्यायबो लानानै फैयो।

थांखि थि खालामनो हायाब्खा जाफुंसारनाय मोन्नांगौया गोब्राब। आथिखाल रजखांन्थि फोथाराव बेनि उत्त्थां-फाल्थां जानायखौ गोबाथार नुनो मोन्नाय जायो। जाफुंसार सुबुंफोरा अराय सम मावनो हानाय रोखा थांखि लानानैसो सिगाङो। थांखि गैयाब्खा जिउआ दिग गैयै, बैथा गैयै नावबादि जलाङो। नाथाय माखासे जाफुंसार सुबुंफोरा थांखिफोरखौ रोखा कालामनानै थि समनि गेजेराव मावफुंनायनि लामा लावो आरो बेजौंनो जाफुंनोबो मोन्नो हायो। सोलिफु थासारियाव समआ बयनिखुइबो बेसेन गोसासिन फुंखा महरै नुजाफेदों आरो बे समखौ जाफुंसार सुबुंफोरा एरैनो थांगरा होया। समनि बेसेनखो जायनो हमदानो हायो बिसोर बादि सुबुंफोरयो समजों समानै आगान सुरफालांनो हायो आरो जाफुंनायबो मोन्नो हायो। सोलौंनो गोसो गुदुं जानाया जिउआव थुलुंगानाय लाबोयो आरो हाबा मावनायनि गोसोखौ बांहोयो। जाफुंसार सुबुंफोरा सोलौंनायखौ माब्खाबाबो नागारा। बिसोरो जेब्लाबो गोदान गोदान मुवा आरो आयदाफोरखौ सोलौंनायाव नांथाब्बाय थायो। बिर्बिजोंसो जाफुंसारनायनि लामा मोनहैनो हागौ। जाफुंसारनायनि लामा होसोनायाव गोसो हमथानो हानाय आरो थि थांखियाबो मैखोम मदत होनो हागौ। जाफुंसार सुबुंफोरनि हाबा मावनाय आरो जिउ खुंनायाव बिसोरो अराय सम आबुथि लाखिनानै सोलिनायाव नांथाबो। हेंथा-हेंथनि गेजेरजौंब्लाबो जाफुंसार सुबुंफोरा जिउनि थांखिफोरखौ मोनफुं हैनो गोब्राब नाजाथाबनायाव नांथाबो। जाफुंसार सुबुंफोरहा मोनसे नङ मोनसे मोजां सानसि लानानै सिगाङो। बिसोरो गोब्राबब्लाबो मोनफुं हैनायखौ नुहरो आरो सोलौंनो नाजानो गोसो होयो। बिसोर बादि सुबुंफोरनि फोथायनाय आरो मिर्जिंथिनि नोजोरा मोनफ्रोमबो नुजाफैनाय जेंनाफोरजौं मोगा-मोगि जानो गोहो होयो। जाफुंसार सुबुंफोरा अराय सम गावसोरनि देहायारि आरो गोसोयारि सानसिनि सायावबो जोबोद सांग्रा जायो। जानाय-थानायनिफ्राय लानानै जिरायनायसिम गासैबो देहायारि बिथिङवनो सांग्रां जायो। बिसोरो मिबथिगौ-देहाया गोगो आरो गोसोया गोजोन जायोब्लासो जाफुंनायनि लामा मोनहैनो गोसो ज'थो। जाफुंसार सुबुंफोरा बिबानखौं गिया, गिदिर जाफुंसारनाय मोन्नो थाखाय सिगांबोयो, बेयो जेसेबांखि गिदिर आरो गिलिद जाया मानो। बिसोरो बिबान गैयै हाबा मावनायाव आखाइ होनो गोसो जाया, मानोना बेजौं थार जाफुंसारनायखौ मोनफुनो हाया। जाफुंसार सुबुंफोरा हासिंडैनो जा एबा हान्जायैनो जा हाबाखौं हाबा महरैनो आरो मावनांगौ बिबान होन्नानै मावनो मोजां मोनो। गोसोयाव गिदिर थांखि थायोब्खा गिदिर गिदिर हाबाफोरखौबो गोलेँवै मावफुंनो हायो। बिसोर बादि सुबुंफोरा गुबुननि बोसोनखौ मान होयो बोजबनानै लायो आरो बयखौबो लानानै थुलुंगाछां महरै सिगालांनो गोसो होयो। जाफुंसारनायखौ हसेनि गेजेरावनो मोन्नो हानांगौया गोब्राब। गोसो हमथानो हानाय आरो गोलाव सम नाजानाय थायोब्खा सानसे बेनि फिथायखौ मोनहैगोन बेखौ फोथायनाय लायो। जाफुंसार सुबुंफोरा गुबुनफोरखौ मदत होनानै बयनिबो जौगाछांनाय हास्थायो। बिसोरो गोथायो-जाफुंसारनायनि गुबै मोन्थोरा जानांगौ- गुबुननि जिउआवबो सोलायनाय होफै नानै जौगाछांनाय लाबोनाय। बिसोर बादि सुबुङा गावसोरनि सान्नाय-हनाय, रोंग'थि आरो गोसोनि फुंखाफोरखौ गुबुननोबो बिलाइनानै बिसोरनि जौगाछांनायाव मदत होनो मोजां मोनो। अब्लासो थार जाफुंनायनि फुं'खा फिथायखौ लानो आरो बिलाइनो हागोन।□

दिनैनि फान्जामुथि

राशि बाइदियै मुंनि गिबि हांखो

मेघ : अ ल

बुष : ऊ ब (उ एइ)

मिथुन : क ङ (ङ घ)

कर्कट : ड ह

सिंह : म ट

कन्या : प ठ (ण ष)

तुला : त र

वृश्चिक : ब न

धनु : ध भ (ढ़ फ)

मकर : ख ज

कुम्भ : ग श (स)

मीन : द च (ख ज झ)

मेघ: दिनैनि दिनआव मानिबा थाखाय खस्थ' मोन्नांनो हागौ। गोसो हमथानानै सोलिनांगोन।

बृष: शुभ हाबा मावनो गोनां दङबा मावनो नाङ। गोसोखौ हमथा। गाज्रि सान।

मिथुन: गोसोआव माखौबा लानानै गिखांनाय मोन्नो हागौ। गोसोखौ लोरबां लानो नाङ।

कर्कट: बे राशिन थाखाय शुभ सान। जायखिजाया गोथार खामानियाव आगान सुरनो हागोन।

सिंह: सान्नाय-हनाय गियान गोहोआ गोसारलांनो हागौ। जैरेबो सांग्रां जानांगोन।

कन्या: बायदिसिना जेंनायाव गोल्लैबायनो हागौ। जैरेबो सांग्रां जानांगोन।

तुला: मानिबा थाखाय जिंगा सिनांनो हागौ। गोसोखौ शान्ति मोन्नाय नङ।

वृश्चिक: जैरेबो गोसोखौ शान्ति मोन्नो हागोन। गोजोनै सम बारहोहरनो हागोन। मोजां सान।

धनु: सेंग्रा-सिख्लानि मोजां मोनलायनायनि सोमोन्दोआ गोरायैनो थागोन। फाफ्रोमर्थिबो मोजां।

मकर: सोरनिफ्रायबा माबाफोर सहाय मोन्नो हागौ। गोसोखौ गोजोन मोनगोन। मोजां सान।

कम्भु: सान्नायफोरा जाफुङेनि गोसोखौ मेंगिलनाय एबा बायग्लिनाय मोनगोन।

मीन: दिनैनि सानआव जैरेबो असात्ति मोनखांनो हागौ। गोसोखौ हमथानानै थानांगोन।

गाहाइ मन्थि नरेन्द्र मदिखौ ‘दा अर्डर अफ दा रिपाब्लिकान अफ त्रिनिदाद एन्ड ट्वेग’जों मान बाउदों

गोदान दिल्ली, 5 जुलाई : गाहाइ मन्थि नरेन्द्र मदिखौं शुक्रबारखालि त्रिनिदाद आरो ट्वेगनि देरसिन नोगोरारि सनमान ‘दा अर्डर अफ दा रिपाब्लिक अफ त्रिनिदाद एन्ड ट्वेग'जों मान बाउनाय जादों। दरबा हादतनि गावनि दावबायनायनि नैथि खोलोबआव केरबियान व्दीप हादतनि सान्नैनि दावबायनायाव फैनाय गाहाइ मन्थि नरेन्द्र मदिखौं बिथानि मुलुगनां दैदेन्नाय, भारतीय नोगोरारिफोरजों लोगोसे बिथानि गोथौ सोमोन्दो थानाय आरो गोथौसिन खालामनायाव जौनि थांखिखौ गोखों खालामगोन। बे बान्थाखौ त्रिनिदाद आरो ट्वेगनि गाहाइ मन्थि कमला प्रसाद-बिसेसरआ बृहस्पतिबारखालि फोसावदोंमोन।□

आसामआव दै बानानि थासारिआ गाज्रिसिन जादों

गुवाहाटी, 5 जुलाई: आसामआव दै बानानि थासारिआ आरोबाव गाज्रिसिन जादों। मोननै दैमाफेर- गलाघट जिल्लानि धनसिरि आरो शिबसागर जिल्लानि दिख’ दैमानि दैआ खैफोद सिमनानि गोजूंआव बोहैदों। आथिखालाव हादरआव बे मोननैल’ जायगा दं, जायखो गिख्रंथाव दै बाना थाखोआव

गाहाइ मन्थि नरेन्द्र मदिआ आर्जेन्टिनायाव सौहैबाय

ब्युन्सआयार्स, 5 जुलाई: गाहाइ मन्थि नरेन्द्र मदिआ साननैन थारखाय आर्जेन्टिनाआव दावबायहैबाय। बे समाव गाहाइ मन्थि नरेन्द्र मदिआ आर्जेन्टिनानि गेजेर दैदेनगिरिफोरजों लोगोसे जथुम खुं गोन। आर्जेन्टिनानि थिखानाय सम बादियै शुक्र बार मोनाबिलिआव एजिजा हरिमायारि उरां गाथोनआव गाहाइ मन्थि नरेन्द्र मदिखौ गाजा-गोमजायै बरायदों। थानाय 57 बोसोराव बेयो गिबि खेब, जाय भारत आरो आर्जेन्टिनानि गेजेराव मोननै दोलोखौ लानानै सावरायलायनाय जागोन। अदेबानि गाहाइ मन्थि हिसाबै बेयो गाहाइ मन्थि नरेन्द्र मदिनि नैथि खेब आर्जेन्टिना दावबायनाय। बेनि सिगां गाहाइ मन्थि मदिआ 2018 आव जि- 20 शिखर सम्मिलनआव बाहागो लानो थाखाय आर्जेन्टिनाआव थांदोंमोन। आर्जेन्टिनानि रजथावनि ब्युन्सआयार्सआव गाहाइ मन्थि मदिखौ गाजा-गोमजायै बरायनाय जादों। एजिजा एयारपर्टआल रेड कार्पेटजों लोगोसे गाहाइ मन्थि मदिखौ आर्जेन्टिनायाव बरायनाय जादों। बे समाव बिथांखौ गाई अफ अनारखो खालामनाय जादों। 1968 आव गाहाइ मन्थि इन्दिरा गान्धीआ गिबि खेब आर्जेन्टिना

थांदोंमोन। बे समाव दरनैबो हादरनि गेजेराव मोननै दोलोखौ लानानै सावरायनायखौ नुनो मोन्दोंमोन। बबेखानि 2018 आव गाहाइ मन्थि मदिआ आर्जेन्टिनाआव थांदोंमोन, नाथाय खालि जि-20 सामिटआव बाहागो लानो थाखायल’ थांदोंमोन। बे खेबआव गाहाइ मन्थि मदिआ आर्जेन्टिनानि हादरगिरि मिलेइजों लोगो हमगोन। गाहाइ मन्थि नरेन्द्र मदि आरो हादरगिरि मिलेइआ गोहो, फालांगि, रैखाथि, देहा, आइटि-फुङ प्रसेसिं, आबाद आरो फार्माजों लोगोसे माखासे गिदिर आयदाफोरनि सायावबो सावरायगोन।□

एन्ड ट्वेग’ जों मान बाउजानायाव गावखौनो सनमान गोनां मोन्दांथिदों। आं बेखौ सा 140 कौटि भारतीयफोरनि फारसेनि जानानै गनायथिबाय। बे मान मोन्नाया जौनि दरनै हादतनि गेजेरनि गोथार लोगोनि नेरसोन। मोनफ्रोम आगानआव जों जौनि हादतफोरनि गेजेराव हारिमुआरि सोमोन्दो थानायखौ नायनो हागोन। गाहाइ मन्थि

मदिआ एक्सआव लिरोदि, आं जोबोद सनमान गोनां मोन्दांथिदों, बे मानखौं गिबि खेब गुबुन हादतनि दैदेनगिरिआ होदों। बे मानआ त्रिनिदाद आरो ट्वेगजों लोगोसे सोमोन्दोखौ गोथौसिन खालामनायाव जौनि थांखिखौ गोखों खालामगोन। बे बान्थाखौ त्रिनिदाद आरो ट्वेगनि गाहाइ मन्थि कमला प्रसाद-बिसेसरआ बृहस्पतिबारखालि फोसावदोंमोन।□

थाखोआ 78.42 मिटारखौं बारलांदों, मोनफ्रोम घन्टयाव लान्थ्रियै 20 मिलिमिटार दैआ बांदों। बेबादिनो शिबसागर जिल्लायाव दिख’ दैमायाव 92.57 मिटारसिम सौहैदों, जाय बेनि खैफोदेनि थाखोआ 92.4 मिटार जौसिनआव दङ आरो मोनफ्रोम घन्टयाव 110 मिलिमिटार गोख्रैथिजों बांलांगासिनो थादों। आसामनि गुबुन माखासे जायगाफोरवबो दैन थारखोआ बांलांगासिनो दङ। मोन 6 जायगाफोरखौ सरासन्धानिफ्राय बांसिन दै बानानि थाखोआव दोन्नाय जादों, जेराव अन्नपुर्णाघाटआव बराक दैमा, बेकी रङ ब्रिजआव बेकी दैमा आरो नेमाटिघाटआव बुर्लुबुथुरआबो दंफायो। बे दैमाफोरा सांग्रांथिनि सिमनाखौ बारलांबाय आरो खैफोद थाखो फार्सें बांलांगासिनो दङ। माहारियारि थाखोआव मोन 14 जायगाफोराव आथिखालाव दै थाखोआ सांग्रांथिनि थाखोनिफ्राय जौसिनआव दङ।□

निपाह भाइरासनि गोदान केस सोराङाव फैनायनि उनाव दरथाम जिल्लायाव एलार्ट फोसावदों

तिरुअनन्तपुरम, 5 जुलाई: केरेलायाव फिन खेबसेबाव निपाह भाइरासनि दोहौ सोमजिदों। मलप्पुरम जिल्लायाव 1 जुलाईखालि 18 बोसोर बैसोनि आइजोआ जिउ गोमादोंमोन, जायनि रिपर्टआव निपाह भाइरासनि पजिटिभ जानायखौ खौरं मोन्नाय जादों। रइज्योआव शुक्रबारखालि निपाह भाइरासनि मोनसे गोदान केसआ सोराङव फै नायनि उनाव दरथाम जिल्लायाव एलार्ट फोसावनाय जादों। पलक्कड़ जिल्लानि थावनट्टुकारनि 38 बोसोर बैसोनि आइजोनि रिपर्टआव निपाह पजिटिभ फैदों। बेनि उनाव जिल्ला खुंथायआ सुबुंफोर आरो देहा फाहामसालिनि मावफारियाफोरखौ सांग्राडै थानो खावलायदों। गोहोम गोर्लैनाय

जिल्लाफोराव मोनफ्रोम ओन्सोलाव मोन 26 जर'खा हान्जाफोरखौ थिसनबाय। बे हान्जाआ सोमोन्दो ट्रेसिं, लाैखोनफरेखौ नोजोरहोनाय आरो सुबुंफेरनि बेरमनि थाखाय सांग्रांथि

AFFIDAVIT

I, Bitarai Brahma, D/O- Late Surjya Kanta Brahma, aged about- 32 years, resident of Gossaigaon Ward No.3, P.O. & P.S. Gossaigaon, Dist. Kokrajhar B.T.R. (Assam), do hereby solemnly affirm and declare as follows:-

1. That, I am a Citizen of India by birth and a permanent resident of the above noted locality.

2. That my actual & correct name & surname is **Bitarai Brahma, D/O- Late Surjya Kanta Brahma** and the same name has been recorded in my Pan AS card, vide PAN No. BSOPB0828A, Elector Photo Identity Card, vide Card No. HHK2132685 and all other relevant documents.

3. That, due to bonafide mistake my name has been wrongly recorded in my Aadhaar Card, vide Card No. 6561-5389-0762 as **BEAUTY BRAHMA** instead of **BITARAI BRAHMA**.

4. That, **BITARAI BRAHMA** and **BEAUTY BRAHMA** is the same and one identical person i.e, myself.

5. That, this affidavit is sworn in for the purpose of declaring the aforementioned facts and further to produce it before the concerning authority regarding differences of my name and for all future intends and purposes.

All the statements made above by me are true to the best of my knowledge, belief and information.

बड'लेण्डआव मोनसे गामियारि जौगानायनि जांखिथाइ

अरपन भट्टाचाजी, निटियाज सहरिया
राव सोलायगिरि बड'सा

बड'लेण्डनि मानसावगारियाव जौगाथाइनि मोखां नुफेरै चिरांनि बर'बाजारनिफ्राय आमथेकासिम थानाय भिचिडिचिफोराबो आथिखालआव मोनसे सोलायथाइनि गोख्रैथिजों खारफागासिनो दङ। बे सोलायथाइनि बिदिन्थिया बड'लेण्डनि गुबुन गुबुन गामिफोरखौबो बेबायदि जौगानायनि लामा दिन्थिनो सरकारि आरो सरकारि नडै एजेनसि आरो बिगियानआरिफोरखौ बे गोदान समाजआरि रंखान्थि जौगानायनि बिथिङव उनसंनो लामा दिन्थियो। गोदान मुगानि टेक्नलजि आरो रंखान्थियारि खाबुफोरा जौनि गामियारि ओन्सोलनि जाखांफु लाइमोनफोरनि समखौ सोलायनानै होदों। हादरनि अमृत समाव बिटिआर सरकारनि गोखों दैदेनगिरि प्रमद बर'नि दैदेन्नायाव खामानि गैजायै लाइमोनफोरनो खामानि मावनायनि खाबु होनानै ओन्सोलखौ मोनसे जौगालु आबहावाजों खाब जाहोदों। जौगालु बिथांखिनि मावफारियाफोरजों खाबु होजानानै मोनसे थाखोन आखा-फाखा हारोंथाइ गोनां लाइमोनफोरा सरकारनि खामानि मावग्रा लोगो टिआरआइजों बाहाय बिगियाननि बिथिंजों गामिनि गावसुंथा हान्जानि आइजोफोरखौ गिबिसिनै खौसेयै दावगानो आरो गावआरि गसंथानायनि मोनसे गोग्गो रोखा लामा दिन्थिदों। जौनि हादरनि सुबुंखान्थियारि बोसोनंथिजों आरो गोजाम आरिमुवारि गामियारिफोरनि खुंथाइ, थांखि लानायाव बाहागो लानाय बिबान सामलायनाय आरो दिथा होनाया जौनि ओन्सोलआरि हारिमुआव गोरेबफ्लेदों, जाय ओन्सोलनि जौगाछांनायनि सावगारिखौ भारतआव रोखायै फोरमायथिनानै होदों। बिटिआर ओन्सोलनि ट्राइबेलफोरनि बुथुमलु बेसेन्थिफोरखौ बुंनानै फोजोबनो हाया। खुंथायारि हाबाफारिनि थाखोआव बाहागो लानायखौ थि खालामनानै आरो मिर्जिंथिनाय बायदियै जाफुंसारनो हानायखौ बिथांखिनि दावबायथायनि मोनसे होलाय लालाय बिजों गनायथिदों। थांखि लानाय बायदियै गुदि थाखोआव जागायजेन्नानै भिपिआरपि आरो गोबां गोनांथार बिथांखिफोरखौनो मावफुंदों। गिबि थाखोआव जर'खायै आइजोफोरनि हान्जाजों सावरायलायनानै थोंजोङे फोनांजाब खालामनानै थासारिखौ मावफुंनो हानाय बायदि खालामग्रादोंमोन। सरासन्खा जाहोनाअ बेनोदि, जेब्ला बोसोरफ्रोमबो भिपिआरपि, जिपिडिपिखौ थांखि लानाय जायो अब्बा रोखा फोथारनि मोन्दांथिआ गाहायाव फैनायखौ हमदानो हायो। बेबायदि लामाजों मोनसे हारिनि हारिमुवारि मोन्दांथियाव फोथायथि नुजाथियो। बिटिआर सरकारनि पिएनआरडि बिफानजों सिनायथि होजानाय लाकपति आब' जायखौ भारत सरकारनि लाकपति दिदीखौ उनसंनानै ओन्सोलनि रंखान्थियाव गोर्लैसोनाय बिब'फोरखौ एबा आइजोफोरखौ समाजआरि आरो रजखान्थियारि बिथिङव जौगाछांहोनायनि थांखिजों सिनायथि होनाय जादों। बे लाकपति आब' बिथांखिनि गेजेरजों बिटिआर सरकारआ ओन्सोलनि आइजोफोरनो आरो बिसोरनि नख'रनि सोद्रोमाफोरनो मोनसे गोखों थांखि लाहोदों जेरै जेबो गैयै थासारिनिफ्राय गोखों रंखान्थिजों गावखौ फसंथानाय जाय बिथांखिआ थांखियाव सहैनो थाखाय सरकारजों मावफुंजानो आखायाव लाजादों। बे हाबाफारिया गुबुन गुबुन बिफाननिफ्राय गोबां फुंखाफोरखौ पिएनआरडि बिफाननि एमजिएन रेगा आरो डिएवाइ-एनआरएलएम बिथांखिजों आइजोफोरनि नांगौ जानाय बायदियै मावफुंनानै होगोन। नैथि थाखोनि हाबाफारि महरै 12 रोजानिफ्रायबो बांसिन खामानिफोरा गनायथि होजादों आरो लुफुंनाय खामानिया सोलिगासिनो दङ। बे बिथिङव जिब जुनाद फिनाय एबा पारमिं खालामनानै जिउखौ दैदेन्नानै जाफुंसार जाहोनो जर'खा नोजोर होनाय जादों। आमथेका ओन्सोलनि आइजोफोरनि मोन 50 गावसुंथा हान्जाफोरा बोस्मा, अमा, दाउ बायदिनि मोन 100 निफ्रायबो बांसिन पारमं बानायनानै गावसोरखौनो जाफुंसार आइजो महरै सिनायथि होनो हादों। आमथेका ओन्सोलनि भिचिडिचिफोरनि सिङव थानाय आबादआरिफोरा गोदान मुगानि आबाद मावनाय खान्थिजों गावसोरखौनो फोनांजाबनानै ओन्सोलखौ मोनसे बयनिबो नोजोर होथावना थासारि सोरजिदों। ओन्सोलआव आबादआरिफोरनि सायाव सोनारनानै गावखौनो फसंथानायनि बिथिङव मोनसे खाबु सोरजिदों। जौगालु हाबाफारियाव थिसनजानाय सोद्रोमाफोरनि हान्जाया बिथांखिफोरखौ जागायजेन्नानयनिफ्रायनो जोबथा जाजासिम साजायलांनायाव जोबोद सांग्राङे खामानि मावनानै दैदेनलांदों। लाकपति आब' बायदि बड'फा लिभलिडुङ मिसन, आइजोफोरनि एफपिसि हाबाफारि आरो बिफानआरि हाबाफारिफोरा आबादआरिफोरनि फुंखाखौ जौगालु आरो धोनि खालामदों। ओन्सोलआव नांगौ जानाय बायदियै ओन्सोलनि आइजोफोरनि एफफिसिआ आबादजों सोमोन्दो गोनां मुवा बेसादफोरखौ दिहुन्नानै ओन्सोलनि गेदेर बाजारनि बिगुमाफोरजों सोमोन्दो लाखिनो हादों। बड'लेण्डनि गेजेरावनो आमथेखाखौ सिनायथिनाय आरो ओन्सोलनि थागिबिफोरनि गेजेराव मोनसे फिथाइ गोनां हाबाफारिजों मावबिथांखिफोराव हेफाजाब जानाय बायदियै आइजोफोरखौ आबादआरि दिहुन्थाइनि फुंखाफोरखौ आरो रोखा बेसेनथि फसंथानायाव बिफानआ जेब्लायबो आगदाथिं थानानै खामानि मावलांगोन। बेनिखायनो बड'लेण्डनि साफ्रोमबो गोबां मोखांआरि थांखि लानानै ओंखारबोनाय दैदेनगिरिफोरनिसिम साबायखर बाउहरनाय जाबाय आरो इयुनआव आबादआरि दिहुन्थाइ आरो मावबिथांखिफोरखौ गाहामै गाहाम दैदेनलांबावगोन होन्ना मिर्जिं थिनाय जादों।□

सानसेयारि

बड'सा

भेरगाव बियाबाव मुलाम्फागिरिफोरनि लोगो हमनाय आरो समाज रांखान्थियारि सांग्रांथि हाबाफारिया जानानै थांबाय भेरगावआव थाबैनो मुंख्न् देबनाथ बसुमतारिनि मुडै भलिबल एकादेमि गाइसननाय जागोनः प्रमद बर'



उदालगुरि, 5 जुलाई: प्रमद बर' दैदेन्याय बि टि आर सरकारनि बान्जायनायाव बि टि आर नि सिडाव थानाय मोनफ्रोमबो बियाबाव थांनाय गोलाव समनिक्रायनो सरकारनि फारसेनिक्राय मोन्नो हानाय मुलामफा आरो सरकारआ बर' लिरगिरि गौथुमआ गिबि मन्थ्रि डू हिमन्त बिश्व शर्मानिसिम गोसोखां बिलाइ दैथायहरदों



बासुगाव, 5 जुलाई : बड'लेण्डनि कक्राझार जिल्लानि सिडाव थानाय पर्वतझराआव टर्मेल पावार प्रजेक्ट लुनायनि थाखाय आदानी ग्रुप अफ कम्पानिनो 3600 बिघा हा गथायनो लानाय खामानिखौ हँथा होनानै थांखिलाइ लानाय टर्मेल पावार प्रजेक्टखौ गुबुन जायगायाव सोलायनायनि थाखाय बर' लिरगिरि गौथुमआ दाबि दैखांदों। दिनै बेबायदि दाबिखौ आफादआ चिरां जिल्ला बेंगिरिनि गेजेरजों आसामनि गिबि मन्थ्रिनिसिम गांसे गोसोखां बिलाइ दैथायहरदों। गोसोखां बिलाइआव मख 'दोंदि, पर्वतझरानि बिफां-लाइफां आरो हाग्रा ओन्सोलजों बुंफबनाय समयना मिथिंगायारि नोजोरजों बुंफबनाय ओन्सोलआव टर्मेल पावार प्रजेक्ट गायसनोब्ला मिथिंगायारि थासारिया गाज्रि गोहोम गोरलैनायजों लोगोसे बे ओन्सोलआव मुगा-नाडै जिड

बिटिआर सरकारनि 'ग्रीन बड'लेण्ड मिशन'नि सिडाव कक्राझार प्लाइअभारआव बिफां फुलि गायनाय हाबाफारिखुंदों

कक्राझार, 5 जुलाई : बिफां फु लि गायनायनि थाखाय जायखि-जाया थिखानाय सान-अक्ट' नाडा। बेयो साफ्रोमबो गथ'सानिक्राय बैसो जानाय गागिफोरनिसिम गावनि गोसोजों मावनाय मोनसे बिबान जानांगोन। अब्लासो जोडे हास्थायनाय जॉनि गोथां-सोमखोर समयना बुहुमखौ मोनगोन। बेबायदि थांखिजों दिनै कक्राझार सहरनि गोदान प्लाइअभारआव 'सैमा आर्थि ग्रुप' मुनि सरकारि नडै आफादआ बिफां



फुलि गायनाय हाबाफारि आजावदों। मख 'नो गोनांदि, बिटिसि सरकारनि बान्जायनायाव मोनसे थांखि

लानाय महरै मिबथिजानाय हाग्रा ओन्सोलखौ फिन फोथांफिनानै गोथां सोमखोर खालामनो थाखाय 'गोथां

सोमखोर बड'लेण्ड मिशन 'खौ नोजोर होनानै बे बिफां फुलि गायनाय हाबाफारिखौ लादों

माखासे राजखान्थि दोलोफोरा हरि-धोरोमनि राजखान्थिजों बिटिसिनि गोजोनखौ सिफायनो नाजादों: रनजित बसुमतारि बिटिसि सरकारनि बान्जायनायाव माजबातआव रांखान्थियारि समाज सांग्रांथि आरो मुलाम्फागिरि सन्मिलन खुंफुंदों



माजबात, 5 जुलाई: जों रावनिबो मुं लानानै बुंनो सानाखै। नाथाइ नुग्राफोरा नुगोन, आरो बुजिग्राया बुजिकागोन। खोनासंग्राफोरा खोनासंगोन माखासे राजखान्थियारि

गिबि मन्थ्रिआ बाक्सा जिल्लानि जौगालु बिथांखिफोरनि सोमोन्दै सावरायदों फैगौ 5 बोसोराव गोजोन खौसेथिनि गेजेरजों जौगालु आरो गोरोबलाइनाय बिथिडाव बिटिआरखौ दैदेनलांगोन : गिबि मन्थ्रि

दिसपुर, 5 जुलाई: बिटिआर ओन्सोलनि जौगाखांनायनि गोखैथिखौ बांसिन गोखै खालामनाय आरो सरकारि बिथांखिफोरनि आबुं मावफुंनायखौ रोखा खालामनाय थांखिजों गिबि मन्थ्रि डू हिमन्त बिश्व शर्माआ थांनाय सानैआव उदालगुरि आरो तामुलपुर जिल्लायाव सावरायफिन्याय जथुम्मायाव जिरायनायनि उनाव दिनै गिबि मन्थ्रिआ बाक्सा जिल्लायाव नुजाथिदों। राइज्यो सरकारनि मोनबा जौगालु मोखां बिथांखिफोरा जाहाते बाक्सा जिल्लायाव मोजाडै मोजां



मावफुं जायो। बेनि सोमोन्दै गिबि मन्थ्रिआ मुसलपुराव थानाय बाक्सा जिल्ला बिसायख 'थि बिबानगिरि मावख 'नि सावरायनब्लाडाव मोनसे सावरायफिन्याय हाबाफारियाव

बाहागो लायो। बिटिआर खुंथाइ, गुबुन गुबुन बिफाननि गाहाइ बिबानगिरि आरो आसाम सरकारनि गोजौ बिबानगिरिफोरनि नुजाथिनायाव सामलायजानाय बे

सावरायमेलआव दुलाराय राइजोजों लोगोसे बिटिआरनि नोगोरआरिफोरनि थाखाय राइजो सरकारआ आजावनाय अरुनदय 3.0, गिबि मन्थ्रि महिला उद्दामिता बिथांखि, गिबि मन्थ्रि आत्म निर्भर आसाम अभियान, एति कलि दुति पात आरो रेसन कार्ड होनाय हाबाफारिखौ बिफाननिक्राय 100 जौखोन्दो मावफुंनाय एवा आवगायनायनि सोमोन्दै पावार पयेन्टनि गेजेरजों रोखायै गिबि मन्थ्रिआ गियान लायो। मख 'नो गोनांदि, बनि सिगां थांनाय सानैआव गिबि

मन्थ्रिआ तामुलपुर आरो उदालगुरि जिल्ला दावबायनानै जिल्ला गंनैन बिथांखिफोरखौ मावफुंनायनि सोमोन्दै रोखायै सावरायफिनदोंमोन। दिनैन बि सावरायमेलआव अरुनदय 3.0 मावफुंनायनि सोमोन्दै रोखायै सावरायनाय जायो। बाक्सा जिल्लानि बेंखनआव थानाय बाक्सा आरो मानास बिधान सभा बियाब मोन्नैआव अरुनदय बिथांखिआ सिगाडव सा 46,998 मुलाम्फागिरिफोर दडमोन। अरुनदय 3.0 आव जिल्लायाव बे बायदि मुलाम्फागिरिफोरनि अनजिमाया सा 59 रोजासिम बांलांदों। सावरायमेलआव बिथांखिनि हाबा हुखानि सोमोन्दै खौरां लानानै थिनानै होखानाय सम फारि बायदिदै आबुं खालामनो थाखाय बिबान मोन्नाय बिफानखौ बिथोन होयो। नोगोरआरिफोरोनो अरुनदय 3.0

बिटिसियाव खुंथायारि राहानि जेबो खान्थि गैया: बिस्वजित दैमारि

कक्राझार, 5 जुलाई: बिटिसि बिसायख 'थिनि समा खाथिसिनिक्राय खाथिसिन सफैनाय लोगो लोगो बड'लेण्डआव गोमो बुरि गावजों सिनायथिजानाय बिजेपि दोलोआ गावसोरनि गुबै आखुखौ दिन्थिनो लामा लादों। जर 'खायै बिटिसि बिसायख 'थिखौ लानानै बिजेपि दोलोआ दोलोन फसंथानआरि बिथाखौ गोगोमो खालामनायनि थांखिजों फैगौ 2026 नि बिधान



सभा बिसायख 'थिनि मोनसे दावहानि कौशलखौ गोमो बुरि गाव दोलोआ आखायाव लादों। गुबुन फारसेथिं आसाम बिधान सभानि गाहाइ बुंथिगिरि बिस्वजित दैमारिआ दिनै कक्राझाराव खौरांगिरिफोरनि सिगाडाव फै गौ बिटिसि

बिसायख 'थियाव गुबुन गुबुन हादरआरि-ओन्सोलआरि दोलोफोर बायदिनो बिजेपि दोलोआबो बेवहाय आबुडै

(□ 6 बिलाइआव)

गिबि मन्थ्रिआ बाक्सा जिल्लानि जौगालु बिथांखिफोरनि सोमोन्दै सावरायदों फैगौ 5 बोसोराव गोजोन खौसेथिनि गेजेरजों जौगालु आरो गोरोबलाइनाय बिथिडाव बिटिआरखौ दैदेनलांगोन : गिबि मन्थ्रि

दिसपुर, 5 जुलाई: बिटिआर ओन्सोलनि जौगाखांनायनि गोखैथिखौ बांसिन गोखै खालामनाय आरो सरकारि बिथांखिफोरनि आबुं मावफुंनायखौ रोखा खालामनाय थांखिजों गिबि मन्थ्रि डू हिमन्त बिश्व शर्माआ थांनाय सानैआव उदालगुरि आरो तामुलपुर जिल्लायाव सावरायफिन्याय जथुम्मायाव जिरायनायनि उनाव दिनै गिबि मन्थ्रिआ बाक्सा जिल्लायाव नुजाथिदों। राइज्यो सरकारनि मोनबा जौगालु मोखां बिथांखिफोरा जाहाते बाक्सा



जिल्लायाव मोजाडै मोजां मावफुं जायो। बेनि सोमोन्दै गिबि मन्थ्रिआ मुसलपुराव थानाय बाक्सा जिल्ला बिसायख 'थि बिबानगिरि मावख 'नि सावरायनब्लाडाव

मोनसे सावरायफिन्याय हाबाफारियाव बाहागो लायो। बिटिआर खुंथाइ, गुबुन गुबुन बिफाननि गाहाइ बिबानगिरि आरो आसाम सरकारनि गोजौ

(□ 5 बिलाइआव)

सालबारिआव बड'लेण्ड चिइएम काप टुर्नामेन्टआ जाफुंसारै खुंजाबाय बागानपारा बियाब फुटबल हान्जाया चेम्पियनशिप आर्जिबाय

भवानिपुर, 5 जुलाई : बिटिआर सरकारनि बान्जायनायाव सालबारि गेलेमु बिथांखियाव खुंजाबाय थानाय बाक्सा जिल्ला बिथानि बड'लेण्ड चिइएम काप-2025 फुटबल टुर्नामेन्टआव बागानपारा बियाब फुटबल हान्जाया चेम्पियनसिप आर्जिनो हाबाय। दिनै खुंनाय फाइनल गेलेनायाव बागानपारा बियाब फुटबल हान्जाया ट्राइब्रेकारनि



गेजेरखों सालबारि फुटबल हान्जाखौ 4-2 गलनि फारागथियाव फे जेन्ना

चेम्पियनशिपनि बिमुंखौ आर्जियो। थिखानाय समआव

(□ 6 बिलाइआव)

चिरां जिल्ला समाज अन्साय बिफानआ 'निसा उदां भारत अभियान'नि सिडाव सांग्रांथियारि मेल खुंदों

बासुगाव, 5 जुलाई : 'निसा उदां भारत अभियान'नि बाहागो महरै चिरां जिल्ला समाज अन्साय बिफाननि बान्जायनायाव चिरां जिल्ला पुलिसनि हेफाजाबाव निसा जाथोनि मुलियारि बेसाद जानाय-सोबनाय-बाहायनायनि हँथायै दिनै मोनसे सांग्रांथियारि बाइक रेलि खुंदों। चिरां

(□ 6 बिलाइआव)

बिटिसि भेरगाव गौथुमारि बियाबनि मुलाम्फायाारिफोरखौ लोगो हमनाय आरो रांखान्थि-समाजारि सांग्रांथियारि मेल इउपिपिएल सरकारआ 4 खावसे बोसोराव 3 लाखनिखुइबो बांसिन सुबुंफोरनि हानि जेंनाखौ सुस्त्रांदों: प्रमद बर'

उदालगुरि, 5 जुलाई : 'बिटिसिआव इउपिपिएल सरकारआ 4 खावसे बोसोराव मावफुं समआव 3 लाखनिबो बांसिन सुबुंफोरनि हा-हुनि जेंनाखौ सुस्त्रांबाय। लाख-लाख सुबुंफोरनि आखायाव हानि पाट्टा गथायना होबाय, बे सरकारआ।' -बेबायदि बिबुंथि होनानै दाबि दैखांदों बिटिसिनि गाहाइ मावफुं सोद्रोमा प्रमद बर'आ। दिनै बिटिसि भेरगाव गौथुमारि बियाबनि भेरगाव महखुमागिरि मावखुलियाव खुंनाय बिटिसिनि मुलाम्फायाारिफोरखौ लोगो हमनाय आरो रांखान्थि-समाजारि सांग्रांथियारि मेलआव बाहागो लानानै बिटिसिनि गाहाइ मावफुं सोद्रोमाआ जारिमिन सोरजिनानै बिटिसि सरकारआ हा-हुनि जेंनाखौ सुस्त्रांनो



(□ 6 बिलाइआव)

आन्द्रे रुबलेभआ उइम्बल्डननि राउन्ड अफ 16 आव सौहैबाय

डर्डमुन्ट, 5 जुलाइ: उइम्बल्डननि थार्ड राउन्डआव आन्द्रे रुबलेभआ राउन्ड अफ 16 आव सौहैबाय। जायनि फारिआव बिथाङा एन्ड्रियान मन्नारिन 'खौ थोंजों सेटआव फे जेन्नानै बिम्ुनि फार्स' आवगायनो हादों। आइजो सिंगेल्सआव 6 थि रेंकिंनि मेडिसन किसखौ जार्माननि सिगमन्डआ फेजेन्नानै बाइजोनि लामा लाहोदों। रुबलेभआ फ्रान्सनि एन्ड्रियानखौ 7-5, 6-2, 6-3 स्करआव फेजेन्दों। हौवाफोरनि सिंगेल्सआव रुबलेभनि अनगायै आमेरिकानि टेलर प्रीट्स, इंग्लेन्डनि केमरुन नुरी, अस्ट्रेलियानि लुसियान' दारदेरि, पलेन्डनि कार्मिल मासजेक आरो सिलीनि निकलाज जेरिआबो देरहानायजों राउन्ड अफ 16 आव सौहैबाय।



जेराव बिथांमोनहा रबिबारखालि गावसोरनि ड़आव गेलेगिरिफोरजों सेलेन्जआव ओंखारगोन। हौवाफोरनि डाबल्सआव नम्बर 1 रेंकिंनि मार्सेल' अरेबाल' आरो मेट फेभिकनि जराआबो आगानसे आवगायदेरनो हादों। जेराव बिसोर सानैन जावजाआ स्पेन जम मुनार आरो पेड्रु मार्टिनेजनि जराखौ फेजेन्दों। आइजो सिंगेल्सआव

आमेरिकानि 6 थि रेंकिंनि मेडिसन किसआ जेन्नायजों मोगा-मोगि जानादों। जेराव बिथांखौ जार्माननि सिगमन्डआ थोंजों सेटआव 6-3, 6-3 स्करआव फेजेन्दों। बिथांजों लोगोसे चेक रिपাব्लिकनि लिन्डा नस्कभा, इंग्लेन्डनि सनाइ कार्टल, आमेरिकानि अनान्डा अनिसिमभा आरो

आर्जेन्टिनानि सलाना सियेराआबो उननि राउन्डआव सौहैदों। ब्रिटेननि नम्बर 1 गेलेगिरि एम्मा राधुकानुआ बाइजोनि लामा लानांबाय। जेराव बिथाङा सेन्टर कर्टआव थामथि राउन्डआव टप रेंकिंनि आर्यना सभालेन्काजों 7-6(8-6), 6-4 स्करआव जेन्नांदों।

कानाडा अपेननि फाइनालाव श्रीकान्तआ 3 थि रेंकिंनि निशिमतजों सेलेन्जआव ओंखारगोन

गोदान दिल्ली, 5 जुलाइ: भारतनि 32 बोसोर बैसोनि स्टार शटलार किदाम्बि श्रीकान्तआ मोजाइँ दिन्थिफुंनो हानायजों कानाडा अपेन सुपार 300 बेडमिन्टन टुर्नामेन्टनि सेमिफाइनालाव सौहैबाय। बेसिम हान्थिनाय लामायाव बिथाङा चीना ताइपेनि चौ टिएन चेनखौ फेजेन्नानै हौवा सिंगेल्सनि सेमिफाइनालाव सौहैदों। वर्ल्ड सेम्पियनसिपनि बारग' सिलभार मेडेलिस्ट आरो सोलिफु बोसोरनि मालएसिया मास्टर्सनि फाइनालाव सौहैनाय श्रीकान्तआ 43 मिनिटसिम सोलिनाय क्वार्टर फाइनालाव 6 थि रेंकिंनि गेलेगिरि चेनखौ 21-18, 21-9 स्करआव



फेजेन्दों। सोलिफु समाव मुलुगनाडै 49 थि मासिआव थानो हानाय श्रीकान्तआ फाइनालाव जायगा लाहैनाय लामायाव जापाननि थामथि रेंकिंनि केन्टा निसिमतजों बादायगोन। श्रीकान्तआ चेननि हेंथायै जागायनायाव 5-0 स्करआव आवगायदोंब्लाबो ताइपेनि गेलेगिरिआ 16-16

स्करआव समानआव आवगायफिन्दों। नाथाय बेनि उनाव 6 नि गेजेराव 5 प्इन्ट आर्जिनानै श्रीकान्तआ बे सेटआव देरहादों। नैथि सेटआव श्रीकान्तआ गेजेर समसिमआव 11-6 स्करआव आवगायदों आरो 19-7 स्कररनि फारागथिआव देरहाहैदों। श्रीकान्तआ निसिमतनि हेंथायै

6-4 देरहानाय रेकर्ड थिसन्नानै दङ। नाथाय 2023 नि वर्ल्ड सेम्पियनसिपआव भारतनि गेलेगिरिआ जापाननि शटलारजों जेन्नांदोंमोन। श्रीकान्तआ थांनाय गोलाव समनिफ्रायनो गावनि फर्मखौ लानानै सेलेन्जजों जुजिबोदों। जेराव बिथाङा जोखोमनिफ्राय मोजाङाव फैफिन्नायनि उनाव मालएसिया मास्टर्स आरो कानाडा अपेनआव मोजाइँ दिन्थिफुंगासिनो दङ। बेनि सिगां 2022 नि वर्ल्डजुनियर सेम्पियनसिपनि सिलभार मेडेलिस्ट शंकर मतुसानु सुब्रमण्यामआ 79 मिनिटसिम सोलिनाय क्वार्टर फाइनालाव निसिमतजों 15-21, 21-5, 17-21 स्करआव जेन्नांदोंमोन।

अ! आयै बि टि सि

नोंनि मुङ आयै बड'लेण्डमोन..... नोंनि मोदैखो सिनायग्रा बर' फिसाफ्रा बुङे नोंखौ दर बिमा। गाबदों नों बै रोमै समनिफ्राय; एखम्बा हांमा सुरै एखम्बा दाखायै, दिनैसिमबो। गाबनांगोनसो नामा आयै, अरायबो? गावनि गोबोंनि फिसाफोरखौ खाना खीमानांबोनायाव बोरे सहायनांखो नोंसो मिथिगौ आयै मोथो मोथो। फैयै फैयै मुगानि गुथालाव, दिनै नोंनि अनजालु सासेबाव फिसाज्ला हाग्रामा महिलारनि रुबायदु आबाद्राय, फ्लाम मोफ्लामदों नोंनि गोसोाव; बाज्ल-बाज्ल मोसादों आयै! जों बर' फिसाफ्रा नोंनि मोखाङाव, बि टि सि बिबारनि गेवलांनायाव।

जायख्न् बसुमतारी फरायसालि- गौरां हाइ स्कुल गामि- (टिनाली) लावरी पारा

ब्सिमां

मैयानि हराव आंदि मा सिमां नुदोंमोन, मैया मैया बुंसनोनो हाया। सानजा फैसालियाव ओंखारबोनाय फुंबिलिनि गोरलै जारौ सानखौ नुनानै आंनि गोरबो बिखायादि मानो एसेबां मुहिहाबदों आं मानोबा एसेबो हमदां हायाखैमोन। आं सानदोंमोन बिनो आंनि जीउ गंसे जायराब देरायाव बिजोंनो आलो गोजोन संसारा जाफुंसारगोन। नाथाय जेब्ला सानजौ फुनि दुंसारनायाव मोदोमफ्रुबाय बुहुमाव फोथायथि गैयै बिसआ हाग्रानि जुनारफ्रा थाखुमाबाय दंफां बिलाइयाव जरासे फारौआ गाब्बाय लैथो बिखायाव, मुश्री गैयै आयनि मिनिस्तुनायाबो लांसुनियाफोरनि फानदायनायाव

फैदो जों बयबो खौसेयै

जेराव अनलायनाय फोथायलायनाय गैया बेवहाय गोजोन्नाय थाया जेराव खौसेथि गैया बेवहाय जौगानाय थाया। बेखायनो मुलुग संसारनि दुलाराय बर हारिआनो फैदों जों बयबो खौसेयै। अनलायनायनि माला सुजुदिनि अनलायनायनि माला सुजुना गावनि गाव अनसेमाजों फैदों जों बयबो खौसेयै। गासै बर हारिमा लामा दोंसेयाव गावजों गाव फोथायथिखौ दिदोम दाद खालामना फैदों जों बयबो खौसेयै। हारि महरै नखर खुंलांदिनि थार गियानखौ आर्जिना गोदान मुगानि सोलोंथाय बादायलायनायनि गेजेरजों फैदों जों बयबो खौसेयै। सोलोंथायनि गियान लास्रोदिनि सोलोंथायनि गियानजों गावनो गाव बुजिलायनायनि गेजेरजों दुलाराय बर हारियानो। खौसेथि सुजुदिनि गासैबो बर' हारियानो दोंसे लामाजों आगान सुरदिनि फैदो फै बर' हारियानो खौसेथि जाफिनदिनि दुलाराय बर हारियानो राइजोखौ लाइफिनदिनि

जानांबाय दिनै जिनाहारि! हतसुरिया बिमानि अगियान फिसा नों बुंलांबाय आंखो बेलासि बुब्लिया अब्ला? थै गैयै देहाखौ लानानै नाजादोंमोन आं लोगो हमथारगोन जोबथा फैसालियाव। नाथाइ, गुस्थियाव जारौ मिनिनायजों खोमसि गोसोयै बुंलांबायल' बियो, अनजालु नोंनि सिमाङ, सिगांआवनो थाथोंदे गुबुननो दाफोरमाय

जालाउ बसुमतारी गामि- रनछाइधाम गामि- रनछाइपारा जिला- चिरां, बि टि सि।

प्रदीप कुमार बसुमतारी जिल्ला:- कक्राझार।

रंजालि गथ'फोरनि सौरा

जायख्न् सिमां

आय' अनसुलि रजे जाफुंगोन जाफुङा जाखो आंनि जिउ मिजिंआलाय? आंदि नुदों सिमां नोंखौ लानानै सुखुनि संसार। नाथाय रजे,- नोंखौ मोजां मोन्नायाव आंनि जरासे मेगन खनायाव बोहैदों दाहा-हांमानि मोदै। गोरोबदोंब्लाबो नोंनि आंनि गोबोंनि खोथा सुजुनायाव बाग्दावदों गोसोया मानोबा आंनि सिरियैनो गोमालांफिन्दों रजे रनसायनाय गोसोनि मिजिंआबो गोसोनि जायख्लडाव नुजाफैदों लाथिख'नि सावगारीया ज्रय सिरिलांफिन्दों रजे थाइखिनाय फिथाय। दाहुगार रजे नों बनि थाखाय मेगनाव मोदै। नङाबोला जिउआव सहायनांगोन दाहा-हांमा मानोना रजे आंदि मोनफ्रु रोडै एम्फौ सुनाय गोथां फिथाय।

श्री सानसुमा बसुमतारी फरायसालि:-हगमाबिल गोजौ फरायसालि ला:सो:-हगमाबिल।

दुखुनि हांमा

सोर मिथिगौ आंनि दुखु-दाहा खामग्लिनाय गोसोनि मोदै हुगारनायखौ बावगार हाया नोंसोरनि अन्नाय गोजोनहोनाय सानसेबा गाबनाय सानसेबा मिनिनांनाय मा जाखो आंनि जिउआ बुंस'नो हायासै आं आंनि जिउखौ। दुखुनि हांमा बोयै दाहानि खन्थाय लिंरै लिंरै थानोसै आं बे संसाराव। सोर दङ आंहा बे मुलुगआव? गैया आंहा रावबो संसाराव आंनि गोरबोनि गाबनायखौ सोर मिथिनो अराय सम दुखुनि हांमा बोनानै थाबाय आं संसाराव। सोर आय' होन्नो आंनि गाबनाय सोर मिथिनो आंनि दुखु दाहा बावनो गाबनाय बावनो मिनिनाय थायो आं अरायसम दुखुखौ गोसोयाव दोन्नानै मिनिखुसि रंजा बाजा सोर मा होनानै गोजोन होगोन? मिथिस' हाया आं। गैया आंहा आंगो बिमा बिफा बिब' बिनानाव संसारजों मुगै जानाय बे जिउवा हावरिया जारिमिन जानानै थालांबाय आंनि बे बेसेन गैयै जिउवा।

मिस रिखु नार्जारी गामि- 7 नं आप्लागाव जिल्ला- कक्राझार, बिटिसि (आसाम)

जोंनि बर' बिमा

ओइ बर' हिनजावफोर ओइ बर' हिनजावफोर। गावनि हारिखौ गारनानै लाबाय नोंसोर गुबुन हारिखौ। सोगाबबाय नोंसोर बर' बिमाखौ, सोर हुगार बावनो बर' बिमानि मोदैखौ? जानांबाय हनै बर' बिमाया खुगायाव खुदै मेगनाव मोदै लानानै आनि-थानि। फैदो बर'फोर खौसेयै जों गावनि हारिखौ लाबोदिनि जों बर' बिमानि मेगननि मोदैखौ हुगारदोनि। बर' बिमानि दुखुजों साग्लोबनानै थानाय गोसोआव खौसेयै जों सुखु लाबोनि। बर' बिमानि गोसोखौ रंजा होनि। फैदो बर'फोर फैदो खौसेयै आवगाय बोदो। खौसेयै जों हारिखौ गोजौआव दैखांदोनि। फै बर' फिसाफोर फै।

थरायना सोमजिला बसुमतारी कासिया बारि गोजौ फरायसालि

थारैनो

थारैनो..... सानसे जों गावनि सिथ्लायावनो आलासि जाहैनो नांगोननामा?

थारैनो..... सानसे जों गावनि होन्नाय जेबोआनो थाहैनाय नङनामा?

थारैनो..... सानसे जों उनजोलैफोरजों बिथा हाखौनो फान्नानै जाग्रा होन्नानै बुंजागोननामा?

थारैनो..... सानसे जों गावनि सिथ्लायावनो गलाम जाहोनो नांगोननामा?

दिपेन चन्द्र बर' गरियाकथ (भातकुसि) रडिया, कामरुप

सिखि

सिखि नों मा एसे समायन मा एसे रमायना। नोंनि बे महर मुश्रीखौ नुनानै.....। आं गोसोबाय नुआखैमोन। आं रावखौबो नाथाय आंनि बे बिबार बारि आव हारिंडै नों? सिखि गेवलां गेवथां गलाब बिबाराव, बाबाथाय नों बेसे समायो.....। नोंनि बे गाबआ गोजा, गोसोम, गोमो, गुफुर, मा एसे समायना नों सिखि। नों आंनि सानफ्रोमनि दुखु सुखुखौ.....। नोंखौ आंनि जिउनि लोगो; नों दिनैनिफ्राय आंखौ लोगो साननानै लादो। बे बिबार बारि आव सानफ्रोमबो बाफैबाय था, आंनि दुखु सुखुखौ सुलाय होफै।

मिच प्रथिमा राणि ब्रह्म फरायसालि- जोंमा बड़ फरायसालि

सुलेखा अनजालि

हास्थायसै नोंखौ आं खालि हास्थायो आरो नोंखौ मोन्नो, बे उजिगासे, जिउ जोनोमाव। हास्थायो आं नोंखौ माब्ला खाथियाव मोन्नो अनजालि सुलेखा आरो नोंखौ माब्ला लोगो मोनगोन आं नोंनि महरा हायना सारफावनाय, नों आंनि गोबोंआव जाखांफैयो आरो संसार जों सानैजों। नोंनि रावआ मिलौदो रावमोन, नोंखौ नुयो आं नुहां-नुवाहां आंनि गोसोआव नुजाखां फैयो नों अनजालिनि महरा स'ना, नोंखौ माब्ला मोनगोन आरो नोंखौ सानबाय थायो सानफ्रोमबो अराय सम अनजालि।

मुस्त्रि जुपिटा बसुमतारी उमानन्द गोजौ फरायसालि गामि- भमरागुरि जिल्ला - कक्राझार,बिटिसि (आसाम)


दावगादो बर' हारि

दावगादो बर' हारि, गासिबो खौसेयै फारि फारि। उन्दुनानै थायोब्ला जानाय नङ, समा जोंखौ नेबाय थानाय नङ। दानो मावाबोला बर' हारि, गासिबो जोबलांगोन फारि फारि। सम थानायावनो फोजायाब्ला, हारि बोखांनो हायाब्ला जेब्लाबो उन थागोन, अरायबो गादब जागोन। मालाय हारिया जौगालांनोसै, बर' हारिया गोदोलांनोसै। गावनि हारिखौ दैखांनोब्ला गावनि हारिखौ जौगा खालामनोब्ला नाजानांगोन खौसेयै बर'हारि, ओंखारबोनांगोन खौसेयै फारि फारि।

भाबायन दैमारी जिल्ला:-बागसा, गरेस्वर

एलन मास्कआ गावनि मोनसे पस्टजों आमेरिका राजखान्थियाव दुहाव थासारि सोमजिहोदों

गोदान दिल्ली , 5 जुलाई : आमेरिका हादतगिरि डनाल्ड ट्राम्पनि गोदान ‘बिउटिफुल बिल’ नि हेंथायै टेस्लानि सिइअ एलन मास्कआ माखासे बाश्चा मिथिहोदों। 4 जुलाईखालि आमेरिकाआव उर्दास्त्रि सान फालिनाय जायो, बे सानाव आर'बपति आरो टेस्लानि सिइअ एलन मास्कआ आमेरिकानि राजखान्थिआव गावनि मोनसे पस्टजों दुहाव थासारि सोमजिहोदों। एलन मास्कआ सशेल मिडिया प्लेटफर्म



एक्सआव पस्ट खालामनानै राजखान्थि पार्टी बानायनानै लानानै मोनसे सार्भे पस्ट खालामदों। बिथाडा

एक्सआव लिरोदि, जोंहा मा आमेरिका पार्टी बानाय नांगौ नामा ? एलन मास्कनि बे पस्टनि सायाव सुबुंफोरनि गोबां

रोखोमनि कमेन्ट फैगासिनो दं। सासे इउजारआ कमेन्ट खालामोदि, एलन मास्कनि फारसेनिफ्राय थामथि पार्टी बानायनाया टेस्ला आरो स्पेस एक्सजों जोबोद गोरोबो। जाफुंसार जानायनि आसाया जोबोद खम, नाथाय बेयो जाफुंसारोब्ला गेलैनाया आबुडै सोलायगोन। बे कमेन्टनि सायाव आर'बपति एलन मास्कआ कमेन्ट होनानै मिबथि होयोदि, बेयो खालि

सानायल’नडा, बेखौ लानानै जानो हाथाव सोलो खान्थिनि सायावबो खामानि मावनो हागौ। एलन मास्कनि थामथि राजखान्थि हान्जा बानायनायनि सान्नायखौ आमेरिका हादतगिरि डनाल्ड ट्राम्पनि गोदान आयेनखौ दायनिगिरि खालामनाय जादों, जायनि मुझ वान बिग बिउटिफुल बिल’। बे आयेनजों फाइनेसियेल खरसाजों लोब्बा थानाय बिथांखफोरखौ 10 बोसोरआव खम जानायखौ 3.3 ट्रिलियन डलारआव बांहोनो हायो। बेखौ लानानै डनाल्ड ट्राम्प आरो एलन मास्कनि गेजेरआव गोरोबलायैआ जागायदों आरो एलन मास्कआ डिअडिडि चिफनि पस्टनिफ्राय बिबान एंगारदोंमोन।

मिज 'रामनि एमपिआ सुबुं सिबिथाइ बिजाथिनि अनजिमा बाडइ जानायाव जिंगा सिनाय फोरमायदों



जाफुंसारनाय जानो हायाखै। रिचर्डआ गासै भारतरारि आरो मिरुयारि सिबिथाइफोराव राइज्योनि दैदेन्नायाव जिंगा सिथावना खमाय लांनायनि सायाव नोजोर होनानै बुडोदि, बेयो जोबोद दुखु नांथावदि, बावैसोनि बोसोरफोराव मिज 'रामनि फरायसाफोरा इउपिएससि आनजादआव उश्त्रिसार जानो हायाखै। बिथाडा

आइएएस बिबानगिरि ग्रेस लालरिडिकि पचुआउआ 2014 आव क्वालिफाइट जादोंमोन। बिसोरखौ हादतआव गोब्राब आरो खुंथायारि महरै खामानि मावनो थुलुंगा होनाय सिबिथाइफोराव बिहोमा होनायनि राइज्योनि नेम-खान्थिखौ लाबोफिन्नो थाखाय फिन थांखि लाफिन्नो खावलायदों।

आमेरिका टेरिफनि हेंथायै भारतआ मोनसे गिदिर थांखि लानो हागौ

गोदान दिल्ली, 5 जुलाई : भारतआ शुक्र बारआव आमेरिकानि फारसेनिफ्राय अट'मबाइलनि सायाव रैखाथि राहाफोरनि मुझव लागानाय टेरिफनि हेंथायै मुलुगनां फालांगि आफाद (डब्लिउटिअ) नि मानदान्दाफोरनि गेजेरजों ख'हा सुफुंनयनि टेक्स लागानो थांखि लादोंमोन। भारतनि खावलायनायाव डब्लिउटिअनि फारसेनिफ्राय फोसावनाय

नटिफिकेशननि बायदिब्ला, थांखि लानाय रेहाय एबा गुबुन बिबानफोरखौ दोन्थ 'नाया आमेरिकानिफ्राय फैनाय सायख' जानाय दिहुनजानाय बेसादफोरनि सायाव बेसेन बांनायनि महाराव जागोन। नटिफिकेशननि आमेरिकाआ भारतरनिफ्राय अट'मबाइलनि पार्टसखौ लाबोनायाव रैखाथि राहाफोरनि सोमोन्दै बे थांखिखौ

लाबोनाय जादों। आमेरिकाआ बे सोलिफु बोसोराव 26 मार्चआव दावबायारि गारिफोर, रेजें ट्रकफोर आरो माखासे अट' जोन्थोरफोरखौ नटिफिकेशनआव भारतआ रोखा खालामोदि, आमेरिकानि बे बायदि आगान सुरनाया जेनेरेल एग्रिमेन्ट अन दोन्थ 'नायनि मोन्थाइ दं।

(3 बिलाइनफ्राय)

माखासे राजखान्थि दोलोफोरा हरि-धोरोमनि राजखान्थिजों बिटिसिनि गोजोनखौ सिफायनो नाजादों: रनजित बसुमतारि

खुंनो आरो राइज्यो जानो लुबैदों। बे बाश्चाखौ सिगाडव लाखिनानै जॉनि गेजेराव खेबसेबाव बोखावनो नाजागासिनो दड। दिनै 39 नं पासनै सेरफां बियाबनि माजबात आइटिआइनि गेवलां गेलेग्रा फोथाराव बिटिसि सरकारनि बान्जानयनायाव खुंफुंजानाय रंखास्थियारि समाज सांग्रांथि आरो मुलाम्फागिरि सन्मिलननि मोनसे गेवलां मेलआव बाहागो लानानै बिटिसि सरकारनि खोजोना आरो हाग्रा बिफाननि मावफुं सोद्रोमा रनजित बसुमतारिआ रावबो राजखान्थि हान्जानि मुं लायालासेनो गोखौं रावजों सोंखारिनानै बेबायदिनो बिबुंथि लाखिनायखौ नुनो मोन्दों। सेप्टेम्बराव खुंफुंजानो गोनां बिटिसि बिसायख'थियाव बाहागो लानो हादरआरि दोलो, ओन्सोलआरि दोलो आरो गोबां फैगासिनो दड। जों बिसोरखौ बरायोसो, मानोना जों देरहादों आरो बेनो जाबाय सोलायनाय। बिटिसिनि 35 लाख नोगोरआरिफोरनि गेजेराव गोजोन गाइसन्नायनि जाहोनावनो दिनै गासैबो दोलोफोरा फैनो साहस जादों। मोजां बाश्चा, नाथाइ राजखान्थिनि मुझव जाहाते फिन खेबसेबाव गावस्त्रालायनाय सोमजिया बे बिथिंखौबो जों नोजोर होनांगोन। गावनि बिबुंथियाव मावफुं सोद्रोमाया पासनै सेरफां बियाबखौ इउपिएल दोलोआ आवग्रिगोनआ रोखा होनानै फोरमायदों। दिनैनि मेलनि उर्ननिफ्रायनो राइजो राजाफोरा बियाबआव गोगोमै फोसावर्दिनायाव नांथाबनांगौ होन्ना दोलानि मावफारियाफोरखौ खावलायो। उदालगुरि जिल्ला इउपिएलनि आफादगिरि रबिन्द्र बसुमतारिनि मासि सामलायनायाव खुंफुंजानाय बे मेलआव बिटिसि सरकारनि बारम' लोगो गहाइ मावफुं सोद्रोमा खाम्फा बरायारीआ गावनि बराय बिबुंथियाव आं बिपिएफ दोलोआव दंमोनब्लाबो बै समाव बिटिसियाव जेसेबां जौगाखांदोंमोन आथिखालनि प्रमद बर' दैदेन्नाय सरकारनि दिनाव बांसिनै जौगाखांदों। दिनै बिटिसियाव जिउ राइजो जानाय मोन 26 हरिफोरनि गेजेराव मिसन आरो भिजन डकुमेन्टनि गेजेरजों बयखौबो समानैनो लानानै थांनायनि जैरेबायदि हाबाफारि आखायाव लादों बेखौ रावबो सान्नोनो रोडखैमोन। बिटिसिनि गहाइ मावफुं सोद्रोमा प्रमद बर'नि गोथौ आरो गुवार सानखांथिनि थाखायसो दिनै बियो महर मोन्दों होन्ना बरगयारिआ फोरमायदों। फैगौ बिटिसि बिसायख'थियाव बिजेपिजों लोगोआव थागोन ना थाया होन्ना खौरंगिरिफोरनि सोंथि सोंनायाव बरगयारीआ रावनिबो मुं लायालासेनो बिजेपि दोलोखौ हुमखि होनाय गारंजों 2025 आरो 2026 माइथायाव मोनै हाबा दड। मोनसेया बिटिसिनि आरो मोनसेया राइज्योनि। बिटिसिनि जुलिखौ जैरेबायदि थांहोगोन, राइज्योनि जुलिखौबो बेबायदिनो थांहोगोन। जों बिटिसिनि जुलिखौसो सिगांसिन नायग्रोगोन, बेनि उनावसो राइज्योनि जुलियाव आगान सुरगोन। बेजों लोगोसेनो बिटिसियाव सरकार दानायनि गोनांथि जानाय मेजिक नाम्बारखौ इउपिएल दोलोआनो मोनथारगोन होन्ना खाम्फा बरगयारीआ मिथिहोबावदों। बियाबनि मोन 12 भिचिडिचिनिफ्राय बाहागो लाफैनो हानाय 500निफ्रायबो बांसिन मुलाम्फागिरिफोरनि नुजाथिनाय मेलआव प्रमद बर'नि राजखान्थियारि बोसोनगिरि माधब चेन्नी, एएसडि, राजु धाकाल, चिडब्लिउचि सोद्रोमा रिमिस लिमता, मण्डल आफादगिरि इफुंला बसुमतारि, नेहातारि बलराम सावसि, जिल्ला नेहाथारि सबिन सबुमतारि, पासनै सेरफां बियाबनि रांगिरि पथुल देकानि अनगायैबो गोबां दोलोनि दैदेनगिरि मावफारियाफोरानो बाहागो लायो।

मनिपुर पुलिसआ थौबल जिल्लायाव खावनाय गंभ्रै गारि बोखानो हदों



इम्फल, 5 जुलाई: मनिपुर पुलिसआ थांनाय 24 घन्टानि गेजेराव थौबल जिल्लायाव खावनाय साखा खब्रै गारि बोखांदों होन्नानै बिबानगिरिफोरा मिथिहोदों। जुथाय नाजानायाव गारि खावनायखौ हमनो थाखाय

बिगोमाफोरनि केस थिसन्नायनि सायाव नायबिजरनानै मटर-गारि खावनाय बांनानि जेंनाजों सोमोन्दो लाखिनो थाखाय जिल्लायाव खालामनाय अपारेसननि बाहागो होन्ना मिथिहोदों। संगालि खौरनि सायाव बिथा खालामनानै नायबिजरनायाव जुथाय हान्जाआ थौबल जिल्लानि लिलं पुलिस स्टेसननि सिडव थानाय लिलं तुरेल अहानबि ओन्सोलाव आलादा-आलादा जायगाफोराव थांखिनानै सिग्रोमनाय जायो।

सिग्रोमनायनि फोरमान महरै गंभ्रै महिन्द्र बलेर', गंसे निला गाबनि मारुति सुजुकि फ्रनक्स, गंसे सिल्की सिलभार गाबनि मारुति सुजुकि सुइफ्ट, गंसे गोसोम गाबनि टाटा जेननआ दंफायो। पुलिसनि बादिब्ला, बोखानो हानाय गारिफोरनि गेजेराव गंथामखौ सिनायथिनाय जाबाय आरो बेखौ नंगुबै बिगोमानो फिन गथायफिन्नो थाखाय नेमखान्थिखौ जागायबाय। नाथाय टाटा जेनननि बिगोमाखौ दासिमबो मिथिनाय जायाखै।

No.UDB/Tender /01/2022-23/ Date 30/06/2025

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequence to be converted and drawn up in the printed of F-2 form are invited from the registered contractors of Class-II and Class-I (A, B & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 during 2024-25 & other financial years as stated below. The tenders will be received by the undersigned up to 12.00 Noon on 28/07/2025 and will be opened on the same date & place at 2.00 P.M.

Sl. No.	Name of work	Tender Amount (In Lakhs)	Cost of Tender Paper	Time of Completion of Work
1	Repairing of office of the Cultural Dev Officer Udalguri under Arts & Cultural Affairs Dept under SOPD for 2025-26	12.00	Rs.500.00	3 (three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 06/07/2025 to 28/07/2025 in the office of the undersigned on payment.

Sd/-
Block Development Officer,
Udalguri Dev. Block, Udalguri

IPR(BTC)/C/2025-26/1443

No.CSB/BTC/2/2024/315 Dated Kokrajhar, the 5th July 2025

NOTICE

This is for information to all candidates who have provisionally qualified the written exam. held on **08/12/2024** and **15/12/2025** for the post of Forester-I and Forest Guard under Forest Department, BTC conducted by the Bodoland University, Kokrajhar that the programme for conducting of Physical Fitness Test for the post of Forester-I and Forest Guard under Forest Deptt., BTC has been fixed as per given below.

Sl. No.	Category	Name of district	Venue for Physical Fitness Test (PFT) for Forester-I and Forest Guard	Date & Reporting Time as per Call Letter/Admit Card
1	Female	Kokrajhar, Chirang Baksa, Tamulpur and Udalguri	The 7 th APBn. Playground, Choraikhola, Kokrajhar	9 th July, 2025 5.00 AM
2	Male	Udalguri	The 7 th APBn. Playground, Choraikhola, Kokrajhar	9 th July, 2025 5.00 AM
3	Male	Chirang and Baksa	The 7 th APBn. Playground, Choraikhola, Kokrajhar	10 th July, 2025 5.00 AM
4	Male	Kokrajhar and Tamulpur	The 7 th APBn. Playground, Choraikhola, Kokrajhar	11 th July, 2025 5.00 AM

Candidates may download Call Letter/Admit Card from 5th July to 8th July, 2025 by visiting official website of CSB, BTC, Kokrajhar- www.centralselectionboard.com

NB. If a candidate has provisionally qualified the written exam. for both the posts, i.e Forester-I and Forest Guard, he/she must produce two copies of both original Call Letter/Admit Card during the process of Physical Fitness Test (PFT). Failure to produce either Admit Card/Call Letter will result in the candidate being marked as absent for that particular post.

Sd/- Member Secretary,
Central Selection Board,
BTC, Kokrajhar

IPR(BTC)/C/2025-26/1440

No.FA/TR/Tender/2025-26/1047 Date 04/07/2025

NOTICE INVITING TENDER

Sealed Tenders are invited on behalf of Field Director, Manas Tiger Reserve for the year **2025-26** affixing Rs. 8.25 Court fee stamp from intending authorized Firm/Supplier/Dealer for Procurement of Stock medicines, Feed supplement, captive Elephant immunization, livestock vaccination, tranquilizing medicines etc. under Manas Tiger Reserve.

The date of receipt of Tender is fixed on till **25.07.2025** up to **12:00 a.m.** & the Tender will be opened on **25.07.2025 at 1:00 p.m.** in the O/o the Field Director, Manas Tiger Reserve. In the event of any unusual occurrence due to strike, bandh, holiday etc. the same will be received and opened on the next working day at same place and same time.

Sl. No.	Description of Product	Presentation	Sl. No.	Description of Items	Presentation	Sl. No.	Description of Items	Presentation
1	Exact	750 hm/3 gm/4.5 gm	27	Conflox	100 ml	53	Cotton	500 gm
2	NBE Bolus	1x6	28	Endectin	25 mg (1x2)	54	Expel forte 1x6	1.5 gm
3	Enrox inj	100 ml	29	Himax	1 kg.	55	Belamyl	30 ml
4	Oxy LA inj	30 ml	30	Topicure spray	100 ml	56	Formaline	5 ltrs.
5	Oxy LA inj	50 ml	31	Prednisolone	10 ml	57	Melonex	100 ml
6	Cycline DT bolus	1x6	32	Lexin powder	20 gm	58	Himax ointment	50 gm.
7	Otrim Bolus	1x6	33	Potassium	400 gm	59	Neomec	10 ml
8	Tetracycline	100 gm	34	Hand sanitizer	500 ml	60	Osomin	5 litre
9	Connectin inj	100 ml	35	Tr. Iodine	500 ml	61	Terfroli	4.5 litres
10	Flobac SA	100 ml	36	DNS	500 ml	62	Vimeral Forte	500 ml
11	Panacure	150 mg (1x10)	37	RL	500 ml	63	Vimeral Forte	1.2 ltr.
12	Panacure	1.50 gm (1x2)	38	NS	500 ml	64	B-live 100	5 ltrs
13	Neozide bolus	1.50 gm (1x2)	39	Dispo needle	1 pc	65	Calcicare Gold	5/10/20 ltrs.
14	Aciphos inj	30 ml	40	IV set	1 set	66	Minamil gold	5 kg.
15	Bejeet inj	100 ml	41	Dispo syringe	5/10/20/50 ml	67	Brigold	1 ltr.
16	Feroliv	500 ml	42	Catgut (1)	1 pc	68	Ambiplex	5 ltrs.
17	Melonex plus inj	100 ml	43	Black braided	1 pkt	69	Recovit	1 ltr.
18	Maxtal inj	100 ml	44	Nylon thread	1 pkt	70	Minamil	6 kg.
19	Meglulast inj	100 ml	45	Suturing needle	1 pkt	71	TT inj.	1 ml
20	Pepsid inj	30 ml	46	Silk	1 pc	72	HS & BQ vaccine	30 ml
21	D mag	100 ml	47	BP Blade	1 pc	73	FMD vaccine	30 ml
22	Dexona	5 ml	48	Disposable glove	1 pkt	74	Triovac vaccine	30 ml
23	Neurokind inj	100 ml	49	Bandage	1 pkt	75	Xylazine	100 mg/ml 50ml
24	Thiical	450 ml	50	Musk	1 pkt	76	Ketamine	100 mg/ml 50ml
25	Wocktrose	450 ml	51	Dettol	125 ml	77	Yohimbine	100mg/ml 200ml
26	Tonophrospan	30 ml	52	Handwash	200 ml	78	Acepromazine	10 mg/ml 100 ml

Details NIT may be seen in the Office of the Field Director, Manas Tiger Reserve from 04.07.2025 to 24.07.2025 during office hours.

Sd/- Field Director,
Manas Tiger Reserve

IPR(BTC)/C/2025-26/1435

बडैसा

6

बिलाइ

(□ 3 बिलाइनफ़्राय)

भेरगाव बियाबाव मुलाम्फागिरिफोरनि लोगो हमनाय आरो समाज रांखान्धियारि सांग्रांथि हाबाफारिया जानानै थांबाय

दैदेनाय बे हाबाफारियाव बि टि आरनि गाहाइ मावफुं सोद्रोमा प्रमद बर’आ गाहाइ आलासि महरै बाहागो लानायजों लोगोसे इउ पि पि एल राजखान्थि हान्जानि गोबां दैदेनगिरि एम पि जयन्त बसुमतारि, मावफुं सोद्रोमा रनजित बसुमतारि, मोनसे समनि बि टि सिनि बारग’ लेखइ गाहाइ मावफुं सोद्रोमा खाम्फा बरगयारि, नेरसोन बर’, भेरगाव जिल्ला इउ पि पिनि आफादगिरि नेरखां खाख्कारि, एम सि एल ए माधब चेन्नी मोनहा हाबाफारियाव बाहागो लानाय जायो। भारत सरकार लोगोसे बि टि आर सरकारआ लानाय मावबिथांखिफोरखौं मुलामफागिरिफोरा थि समाव मोन्नाय मोनि आरो बिफानारि मावख’गिरिफोरा मुलामफागिरिफोरनो गेबेडैफोरमायना होयै बायदि बिथिंखौ नोजोर लाखिना बे हाबाफारिखौं बि टि आरनि सिंङव थानाय मोनफ्रोमबो बियाबाव लाबोबाय थानाय जादों। थांनाय 30 सो बोसोर गोलाव सोमावसारनाय समनिफ़्रायनो भेरगाव ओन्सोलनि राइजो-राजाफोरा लोब-लोब हेफाजाब होबोबाय थादों बेनिखायनो भेरगाव ओन्सोलाव रंसे खेराइसालि, सुजित नार्जारीनि मुडै गनै अडित’रियाम न’ब्लां, थांनाय बोसोराव फोसावखानाय बायदियै मुंख्ळं देबनाथ बसुमतारिनि मुडै भलिबल एकादेमि गाइसननायनि अन्थाइ खाम्फाखौं थाबैनो गाइसननाय जासिगोन आरो भेरगाव कलेजखौं जुनिया खाबु होनाय जादों होन्ना बायदि जौगालु बिथांखिफोरनि सायाव गुवारै बिबुंथि लाखियो गाहाइ आलासि बर’ बिथाङ। बेराफारसे गावनि बेखेव बिबुंथिआव बियाबनि एम सि एल ए थामहिनबा बि टि आर नि गेलेमु आरो हारिमु बिफाननि मावफुं सोद्रोमा दावबाइसा बर’आ बुडोदि, फैगौ आगस्ट दाननि गिबि सप्ताहयाव 365 समाजानो राइजोआरि हाबा हुखाफोराव गोनांथि जानाय लाइ लथर रानना होनाय जागोन, बियाबनि रं 18 थावनिफोराव सेमेतारि ग्रावण्ड लुफुंनाय आरो 70 कि:मि नि गोदानै लुफुंनाय पाक्का लामा बायदिफोरनि सायाव राइजो-राजाफोरनो गुवारै बेखेवना होयो। गोबां इउ पि पि एल राजखान्थि हान्जानि दैदेनगिरि मावथि सोद्रोमाफोरजों लोगोसे 32 नं भेरगाव बि टि सि बियाबनि सिङव थानाय रं 14 प्राइमारिनि 7 रोजानिखुइबो बांसिन मुलामफागिरि लोगोसे राइजो-राजाफोरनि बाहागो लानायाव हाबाफारिया मोनसे मेहेरगोनां महरै जوبनानै थाडो।□

जों रावनिबो सुथुर नडा, जों सोरखौंवा गाज्रि मोन्नानै राजखान्थि दोलो दायाखै : ड॰ अन्जलि दैमारि

मोन्नाय बिटिआरआव जों खोमसिनि थासारिखौं नुनो मोन्दों। बिटिआर रदाय बायदियै बिटिआरआव अरायथा गोजोना फैयाखै। गोदान जोलैनि गेजेराव आधिखालाव गोनो-गोथोनि थासारि सोमजिदों। ड्रग्स, जौ, जुवा बायदिफोरा गोसारनायाव गोदान जोलैनि गेजेराव दिनै गोसो बायनायखौं मोन्दोंथिदों। बेबायदिनि जाहोनाव अब्धिरायै जिउखौं खोमानो गोनां जादों। बेनि थाखायनो जोडो बिटिआरनि गोदान जोलैनि गेजेराव गोजोर राजखान्धियारि आबहावा सोरंजिनायनि थांखिजों गोदान राजखान्धियारि दोलो दादों। जोडो मिर्जिनि लामा दिन्थिनायनि थाखाय बिबान लादों। मासि, गोहो मोन्नाया जॉनि थांखि नडा होन्नानैबो बिथाङ मख’दों। बेसेन गोसा सांग्रांथिखौं रैखा खालामनायनि बिबाना बयनिबो होन्ना मख’नानै 6 थि फारिलाइनि मोन्थाइया हाजोआरि जनजातिनिब्लाबो बर’फोरखौंबो थिसन्दोंब्लाबो बर’फोरा गुबै मोन्थाइनिफ़्राय जानागराव थांनांगसिनो दङ होन्नानैबो बिथाङ दुखु फोरमायो। दिनैनै मेलआव दोलोआव हाबफैनायफोरखौं अन्जलि दैमारिआ साबायखर बाउयो। हाबाफारियाव बारग’ एनडिएफबनि दैदेनगिरि सनितपुरनि गपाल बर’आबो बाहागो लानानै बुंदोंदि, 2020 माइथायआव रदाय जानाय बिटिआर रदायआ लेखा बिलाइ, फोरमान बिलाइआवल’ दङ गुबैयै मावफुंजायाखै होन्ना मख’नानै बेफोरनि थाखाय बेखौं आबुं महर होनायनि थांखिजों एपिबि दोलोआ जोनोम जादों। बेयाव जोडो बिटिआरनि जौगानायनि सार्थआव बयनिबो हेफाजाब हांखायदों होन्ना बुडो। बिष्णु राभा कृष्टि संघ लांगोनायाव बिटिसिनि बारग’ डिपुटि स्पिकार पुर्ण कान्त दैमारिआ आफादगिरि मासि सामलायनाय मेलआव उदालगुरि, खैराबारि, हरिसिङ, तेजपुर बायदि गुबुन-गुबुन जायगानि हेफाजाबगिरिफोरा बाहागो लाफैदों।□

बिटिसि भेरगाव गौथुमारि बियाबनि मुलाम्फायारिफोरखौं लोगो हमनाय आरो रांखान्धि-समाजारि सांग्रांथियारि मेल

हादों होन्ना बुडो। भारतनि सा-सान्जा राइज्योनि दर 10 जनजाति गावखुंथाइ गौथुमानि गेजेराव बिटिसिआल’ हा-हुनि खामानिखौ डिजिटलेराइस खालामनो हादों होन्ना मख’नानै बिथाङ बेनो गुबैयै इउपिपिएल सरकारनि सोलायथाइ होन्ना बुडो। दिनै बिटिसि सरकारआ गावारि बिथांखि सोरंजिनायजों फरायसुला-फरायसुलिफोरजों बिटिसिनि धोरोमारि आफाद-फसंथानफोरनि गुदि बिथा जौगाखांनायनि थाखाय एककालिन रांखान्थि अन्सुंथाइ गथायबोदों होन्ना गावनि बिबुंथियाव बिथाङ मख’दों। भेरगाव महखुमागिरि रिखां मुसाहारिआ सामलायनाय मेलआव बाहागो लानानै बिटिसिनि हाग्रा आरो खाजोना बिफाननि मावफुं सोद्रोमा रन्जित बसुमतारिआ उदांसि मोन्नाइनि उनाव जायखि-जाया मोनसे सरकारआ मावफुंनो हायै हा-हुनि खामानिखौं बिटिसिआव इउपिपिएल सरकारआ 4 खावसे बोसोराव मावफुंनो हादों होन्ना दाबि खालामो। उदांसि मोन्नायनि इयुन समआव गासैबो सुबुं थान्दै आरो सरकारआ हा गैजायैफोरनो हा गथायनाय आरो हानि जेंनाखौं लानानै राजखान्थिल’ खालामदों होन्ना अजद दैखानानै बिटिसिनि मावफुं सोद्रोमाआ फिन बुंदोंदि, प्रमद बर’नि सरकारआ गासैखौबो लानानै मोनसे सोलायथाइ समाज सोरंजिनो हादों। सुबुंफोरा रंजाथायनि थाखाय मेला खुडो नाथाय प्रमद बर’नि सरकारआ लाख-लाख सुबुंफोरनि सिमांखौं सुफुंनायनि थाखाय हा-हुनि मेला खुंदों। बेयो भारतबर्षनि गावखुंथाइ गौथुमारिनि जारिमिनाव मोनसे नोजोर होजाथाव होन्ना दाबि खालामनानै मावफुं सोद्रोमा रन्जित बसुमतारिआ सोलिफु जुलाइ दाननि गेजेरावनो आरजाथाव साफ्रोमबो सुबुंफोरनि आखायाव हानि पाट्टा गथायनानै होगोन होन्ना फोरमायो। मेलआव नुजाफैनाय कक्राझार लक सभा बियाबनि एमपि जयन्त बसुमतारिआ गावनि बिबुंथियाव प्रमद बर’नि सरकारनि सानआव बिटिसिनि मोन 26 हारियारिनि गेजेराव गोरोबलायनाय सोरंजिजादों होन्नानै बेयो जॉनि थाखाय मोनसे गेदेत सोलायथाइ होन्ना बुडो। बिपिएफआ 17 बोसोराि मावफुं समाव सरसनस्त्रा नोगोरारिनि अन्सायनायनि थाखाय मोनसेबो गावारि बिथांखि सोरंजिनो हायाखै होन्ना सोंखारिनानै एमपिआ बुंदोंदि, प्रमद बर’नि सरकारआ 4 खावसे बोसोराि मावफुं समआव माखासे बिथांखि सोरंजिनानै राइजो-रजाफोरनो गथायना होदों। आलारि सोरां बिथांखिनि गेजेरजों बिटिसिनि गासैबो धोरोमारि आफादफोरनो 2 लाख रंसिम एककालिन अन्सुंथाइ गथायनायजों लोगोसे गियान सोरां बिथांखिनि गेजेरजों रोजा-रोजा फरायसाफोरनो रांखान्थि अन्सुंथाइ गथायदों। आधार कार्ड एबा पान कार्ड थायोब्लानो सासे नोगोरारिआ आबुं मान मोना, जेब्ला बिथांहा हानि मोन्थाइ थाया। एमपि जयन्त बसुमतारिआ बुंदोंदि, प्रमद बर’आ बिटिसिनि लाख-लाख सुबुंफोरनो हानि पाट्टा गथायनानै आबुं नोगोरारिनि मान होदों होन्ना दाबि खालामो। मख’नो गोनांदि, बिटिआरनि बिसायख’थिया खुंजानो थाखाय माखासे दानल’ आद्रा थानाय समआव बिटिसिनि गाहाइ मावफुं सोद्रोमा प्रमद बर’नि जोबथा थांखि लानाय महरै मुलाम्फायारिफोरखौं लोगो हमनाय आरो रांखान्थि-समाजारि सांग्रांथियारि मेलखौं बिटिसिनि दर 40 बियाबावनो खुंनायखौं नुनो मोन्नाय जादों। बिटिआर सरकारआ थांनाय 4 खावसे बोसोराि मावफुं समआव मावफुंनाय सुबुं अन्सायारि बिथांखिखौं राइजो-रजाफोरनि नोजोराव खोख्लैहोनायनि थांखिजों बिटिसिनि दर 40 बियाबावनो खुंनाय रांखान्थि समाजारि सांग्रांथि मेलआव दिनै भेरगाव गौथुमारि बियाबाव खुंनाय हाबाफारियाव बिटिसिनि मावफुं सोद्रोमा दावबाइसा बर’, उदालगुरि जिल्ला इउपिपिएलनि आफादगिरि नेरखां खाख्कारि, बिटिसिनि बारग’ लेखइ गाहाइ मावफुं सोद्रोमा खाम्फा बरगयारि, प्रमद बर’नि राजखान्थि बोसोनगिरि आरो बिसायख’ जानाय एमचिएलए माधव चेन्त्रिजों लोगोसे माखासे दोलोआरि दैदेनगिरि-मावफारियाफोरा बाहागो लाफैदों। भेरगाव बियाबनि 3 रोजानिफ़्राय बांसिन सुबुंफोरा नुजाथि फैनाय दिनैनै मेलाव माखासे धोरोमारि आफादफोरनो बिटिसिनि आलारि सोरां बिथांखिनि सिङव 2 लाख रडै एककालिन अन्सुंथाइ गथायदों बिटिसिनि गाहाइ मावफुं सोद्रोमा प्रमद बर’आ।□

(□ 3 बिलाइनफ़्राय)

बर’ लिरगिरि गौथुमआ गिबि मन्थि ड॰ हिमन्त बिश्व शर्मानिसिम गोसोखां बिलाइ दैथायहरदों

खांबोनाय थागिबि सरसनस्त्रा सुबुंफोरजों लोगोसे गासै बड’लेण्डनि रांखान्थि, समाज जिउआव गाज्रियै खहा जानायनि मिर्जि दङ। गोसोखां बिलाइनि गेजेरजों बड’लेण्ड लिरगिरि गौथुमआ पर्वतझरानि टर्मेल पावार प्रजेक्टनि थाखाय आदानी ग्रुप अफ कम्पानिनो बिटिसि गौथुमारि सरकारआ 3600 बिघा हा गथायनो लानाय थांखिखौं बन्द’ खालामनानै बिथांखिखौं गुबुन जायगायाव लांनो गिबि मन्थिनिसिम खावलायदों। गोसोखां बिलाइयाव बर’ लिरगिरि गौथुमनि आफादगिरि राजेन बसुमतारि, लेखइ आफादगिरि सारदा मुसाहारि, गाहाइ नेहाथारि आनान्दराम औवारि, गुबुन सानै नेहाथारिफोर सदानन्द दैमारि आरो राजेन नार्जरीमोनहा मुंसाइदों।□

सालबारिआव बड’लेण्ड चिइएम काप टुर्नामेन्टआ जाफुंसारै खुंजाबाय

गेलेनाया 2–2 गलनि फारागथियाव ड़ जानानै थादोंमोन। दिनैनै फाइनाल गेलेनायनि देरहानाय हान्जानि जर्ज एक्काआ साबसिन्थार गेलेगिरि बान्था मोन्नो हायो। मख’नो गोनांदि, नायगिरि-अन्सायगिरि राइजो-रजाफोरनि नुजाथिफैनायाव बयनिबो गोसोखौं बोनो होनाय फाइनाल गेलेनायखौं जागायजेन्नायावनो कक्राझार लक सभा बियाबनि एमपि जयन्त बसुमतारिआ बेखेवना होयो। बेखेवनाय हाबाफारियाव फारियै- बिटिआर सरकारनि बुंथिगिरि कातिराम बर’, आसाम फुटबल आफादनि गाहाइ नेहाथारि ड॰ सांग्रां ब्रह्म, सालबारिनि एमचिएलए जय मुसाहारि, टिचिएलचिचिनि मासिगिरि बिनद मुसाहारि, बारग’एमएलए हितेश मुसाहारि, माहारियारि मुदांखा फुटबल गेलेगिरि गौगोमसार गयारि, मनबिर बसुमतारि, भुमिका सुत्रधर, सावशुननि फावखुंगुर फैलाव जे बरगयारि, जर’खा आलासि महरै बाहागो लाफैनायजों लोगोसे बड’लेण्ड स्पर्टस एससियेसननि लेङइ आफादगिरि मुकुल चन्द्र बर’, सालबारि जिल्ला गेलेमु आफादनि आफादगिरि कान्तेस्वर बसुमतारि, नेहाथारि दावहार बसुमतारि, देंखोगिरि इलिसा बर’, इउपिपिएलनि दैदेनगिरि खैराम दैराम, बिउति बसुमतारि, दुलाराय बर’ फरायसा आफादनि दैदेनगिरि जयसरन नार्जरीमोनआ मान गोनां आलासि महरै बाहागो लाफैदों। मख’नो गोनांदि, बेखेवनाय हाबाफारियाव बर’ आरो असमिया हारिमुनि सुबुं मोसानायखै दिन्थिनायजों लोगोसे देंखोगिरि इलिसा बर’आ देंखो रोजाबदों। गेलेनायनि उनाव खुंनाय बान्था गथायनाय मेलआव देरहानाय हान्जा, जेन्नाय हान्जा आरो साबसिन्थार गेलेगिरिनो आलासि महरै नुजाफैनाय आसाम फुटबल आफादनि नेहाथारि ड॰ सांग्रां ब्रह्म, बिटिआरनि बुंथिगिरि कातिराम बर’, सालबारिनि एमचिएलए जय मुसाहारि, टिचिएलचिचिनि मासिगिरि बिनद मुसाहारि, बारग’ एमएलए हितेस बसुमतारि, सालबारि जिल्ला गेलेमु आफादनि आफादगिरि कान्तेस्वर बसुमतारिमोनआ बान्था गथायना होयो।□

चिरां जिल्ला समाज अन्साय बिफानआ निसा उदां भारत अभियान’नि सिङव सांग्रांथियारि मेल खुंदों

जिल्लानि जिल्ला बेंगिरि जतिन बराआ फिर्फिला दिखानानै बेखेवनानै होनाय बाइक रेलिआव सा 200 निफ़्राय बांसिन सुबुंफोरा बाहागो लाफैदों। हाबाफारियाव गावनि बिबुंथियाव जिल्ला बेंगिरि जतिन बराआ ड्रग्सनि ख’हा गोनां गोहोमथिनि सोमोन्दै खौरां फोसावनाय आरो होबथानाय आयदाखौं रहा लानायनि फारसे सांग्रांथियारिखौं बांहोनायनि सायाव गोनांथि होयो। बिथाङ निसा गोनां मुलियारि बाहायनायाव अलखद गोनांनि हेंथायै जुजिनो जुथाइ थांखि लानायनि गोनांथि होयो। लोगोसेनो मोनसे गोग्गो आरो ड्रग्स उदां सोरंजिनो थाखाय खुंथाइनि बिबान गोनांनि सोमोन्दै बिबुंथि लाखिदों। फिर्फिला बिरहोानै बेखेवना होनाय हाबाफारियाव चिरां जिल्लानि लेङइ पुलिस बिबानगिरि ड॰ रश्मि रेखा शर्मा, लेङइ पुलिस बिबानगिरि रिताम्बर नाथ, जिल्ला समाज अन्साय बिबानगिरि अनुपम दासजों लोगोसे माखासे जर’खा सुबुंफोरा बाहागो लाफैदों। हाबाफारियाव लाइमोन भलेन्टियार, समाज सिबियारि आरो पुलिस मावफारियाफोरबो थुलुंगाखांनायजों बाहागो लाफैदों।□

बिटिआर सरकारनि’ग्रीन बड’लेण्ड मिशन नि सिङव कक्राझार प्लाइअभारआव बिफां फुलि गायनाय हाबाफारि खुंदों

होन्ना फोरमायदों। बे बिफां फुलि गायनाय हाबाफारिखौं ग्रिन बड’लेण्ड मिशननि बिथोनगिरि मनरन्जन दासआ बेखेवना होदों। मख’नो गोनांदि, कक्राझारनि थागिबिफोरनि मोजां देहा, गोथां सोमखोर कक्राझार आरो साखोन-सिखोन कक्राझार बे मोन्थाम गुबै थांखिजों सरकारि नडै आफादआ दिनै गासै फां 400 निखुइ बांसिन बिफां फुलि गायदों। मख’नो गोनांदि, 2022 माइथायआव सैमा आथिं ग्रुप आफादआ गिबि खेबनि थाखाय साखोन-सिखोन हाबाफारिजों लोगोसे बिफां फुलि गायनाय हाबाफारि आजावनानै 2023 आव हादतनि गाहाइ मन्थि नरेन्द्र मदिनि खेब 100 मन की बात हाबाफारियाव हांखायजादोंमोन। बेल’ नङ 2024 माइथायनि 26 जानुवारि एबा सुबुं खान्थि सानआवबो आफादआ दिल्लीआव हांखायजानानै माहारियारि बिमुं मोन्दोंमोन। ग्रीन बड’लेण्ड मिशननि बिथोनगिरि मनरन्जन दासआ सैमा आथिं ग्रुपनि दिनैनै हाबाफारि लानायखौं साबायखर बावनानै बुंदोंदि, बिटिसिनि गाहाइ मावफुं सोद्रोमा प्रमद बर’नि थांखि लानाय ग्रीन बड’लेण्ड मिशनखौं बयबो आजावना लादों होन्ना मिबथिहोनानै बिथाङ बिटिसिखौं गोथां सोमखोर आरो साखोन-सिखोन खालामनायनि थाखाय जेब्लायबो थियारियाव दङ होन्ना मिबथिहोयो। गुबुन फारसे आफादनि गाहाइ नेहाथारि अजित बसुमतारिआ बोसोरफ्रोमबो बेबायदि रोखोमनि हाबाफारिखौं मावफुंबोदों होन्ना फोरमायनानै बिथाङ इयुन समआवबो कक्राझार सहरखौं गासै सोरिगदिं समायना गोथां-सोमखोर आरो साखोन-सिखोन लाखिनायनि थांखिजों सिर्गालांहोनो साखा-फारा होन्ना मिबथिहोयो।□

गिबि मन्थिआ बाक्सा जिल्लानि जौगालु बिथांखिफोरनि सोमोन्दै सावरायदों

नि खाबुखौं फैगौ सेप्टेम्बर दाननिफ़्राय होनायनि थाखाय राइज्यो सरकारआ हाबाफारि आखायाव लादों। बेनि जाहोनावनो गिबि मन्थिआ मुलाम्फागिरिफोरनि जोबथा फारिलाइखौं जुलाइ दाननि गेजेरावनो आफडेट खालामनो जिल्ला खुंथाइखौं गोखोडै बिथोन होदों। बेजों लोगोसेनो दिनैनै बे सावराय मेलआवनो गिबि मन्थ्रनि आत्मा निर्भर आसाम अभियाननि थाखाय जिल्लायाव मोनफुंनो हनाय आरजलाइ आरो बनि थागिदायाव बेसेबां अनजिमा साइख’जाखो, बेनि गुदि खिथा खौरां गिबि मन्थ्रिआ लादों। गिबि मन्थ्रनि आत्म निर्भर आसाम अभियाननि सिङव जिल्लायाव बे बोसोराव सा 1,200 लाइमोनफोरनो 2 लाख रडै राइजो सरकारआ रांखान्थियारि हेफाजाब होनो आखायाव लादों। बाक्सा जिल्लायाव सा 400 लाइमोन सेंग्रा सिख्लाफोरा बे समसिमहालागै 1 लाख रडै मोनफुंनो हाबाय। बेजों लोगोसेनो बेनिनो सा 60 आ मुद्रालन मोनफुंनो हाबाय। जायफोर लाइमोन सेंग्रा सिख्लाफोरा दासिमाव 1 लाख रंसिम मोननो हादों बिसोरनो जोबथा किस्थि महरै उनाव 1 लाख रं होनाय जाबावगोन होन्ना गिबि मन्थ्रिआ फोरमायदों। राइजो सरकारनि बे बिथांखिआ आबुं जागोन जेब्ला साइख’जानाय लाइमोन सेंग्रा सिख्लाफोरा बेंकजों फोनांजाब खालामनो हागोन। गिबि मन्थ्रिआ बाक्सा जिल्लायाव बेबायदि इन्टारप्रिनारसिफ लाइमोन सेंग्रा सिख्लाफोरनि बेंक फोनांजाबखौं बांहोनायाव गोनांथि होदों आरो बे बिथिङव जर’खा नोजोर होनो जिल्ला बेंगिरिखौं बिथोन होदों। दिनैनै बे सावरायफिन्नाय जथुम्मायाव एति कलि दुति पात बिथांखिखौं मावफुंनायनि सोमोन्दैबो सावरायफिन्नाय जायो। बाक्सा जिल्लायाव पातेमाबाद साहा बागान आरो दुमुनि साहा बागान मुंनि गनै साहा बागान दं। बेवहाय गासै सा 3,700 मुजिरा मावग्राफोर दङ। गिबि मन्थ्रिआ बिथांखिखौं मावफुंनायनि थाखाय आडार कार्ड थानाय मुजिरा मावग्राफोरनि अनजिमा, आर’जलाइ सुफुंनायनि नेमखान्थि, डाट आफलड बायदि खामार्निनि सोमोन्दै खौरां लायो। बेजों लोगोसेनो सावरायमेलआव गिबि मन्थ्रिआ महिला उद्दामिता अभियाननि हाबाफारिनि सोमोन्दै गुवारै सावरायलायो। जिल्लायाव दिनैसिमाव बे बिथांखिनि 3थि थाखोनि फिन आन्जाद खालामफिन्नाय खामानिया जागायजेनबाय। आद्रा थानाय खामानिफोरखौं जुलाइ दाननि गेजेरावनो आबुं खालामनो थाखाय गिबि मन्थ्रिआ बिथोन होदों। सावरायमेलआव गोबां अनजिमानि नोगोरआरिफोरा मुलाम्फा जानो हनाय बायदियै रेसन कार्ड होनायनि आयदाखौंबो सावरायनाय जायो। बाक्सा जिल्लायाव आधिखालआव सा 1,29,860 सुबुंफोरा रेसन कार्डनि खाबु मोनगासिनो दङ। सावरायमेलआव गिबि मन्थ्रिआ मानास आरो बाक्सा बियाबआव गोदानै 5 रोजा सुबुंफोरनो रेसन कार्ड होनाय जागौन होन्ना फोसावदों। सावराय मेलआव जिल्लानि गासैबो साइख’जाथाव सुबुंफोरा जाहाते सरकारनि बिथांखिफोरनि खाबुखौं मोननो हायो बेखौं रोखा खालामनो जिल्ला खुंथाइखौं बिथोन होदों। बेनिखायनो सावराय मेलआव पन्सायत आरो गामि जौगाखां बायदि बिफाननि मन्थ्रि रनजित कमुर दास, आखाय इसान आरो दानाय लुनाय बायदि बिफाननि मन्थ्रि इउजि ब्रह्म, सुबुं सावसि बायदि बिफाननि मन्थ्रि एबा बाक्सा जिल्लानि दिथागिरि जयन्त मल्ल बरुवा, एमएलए पनितर तालुकदार, भुपेन बर’, बिटिसिनि बुंथिगिरि कातिराम बर’, बिटिआरनि गोबां एमसिएलएफोरजों लोगोसे बिटिसिनि प्रिन्सिपाल सेक्रेटारि आकास दिप, जिल्ला बेंगिरि गौतम दासजों लोगोसे बिफानआरि बिबानगिरिफोरबो बाहागो लायो। बेनि उनावनो खौरांगिरिफोरनि मोगा मोगियाव गिबि मन्थ्रिआ सरकारनि बे अन्साइलु मावबिथांखिफोरनि गेजेरजों बाक्सा जिल्लायाव गासै 1,80 लाख नख’रफोरा मुलाम्फा जागोन होन्ना फोरमायदों। गिबि मन्थ्रनि आत्मनिर्भर आसाम अभियाननि सिङव गोबां लाइमोन सेंग्रा सिख्लाफोरा जाफुंसारनायनि मोखां नुनो हाबाय होन्ना फोरमायनानै बाक्सा जिल्लायाव बेबायदि मोनै जाफुंसारनायनि सल’खौं दिनै सावरायनेलआव जिल्ला खुंथाइआ प्रेजेन्टेसननि गेजेरजों दिन्थिफुंनानै होयो। बे सानै इन्टरप्रेनारारफोरा 1 लाख रं दाहार लानानै आधिखालआव बोसोराव 6 लाख रडै आरंजिनो हायो। गिबि मन्थ्रिआ फोरमायनाय बायदिब्ला बाक्सा जिल्लायाव आसाम मालानि सिङव मोनै बिथांखिखौं दिनैनै सावरायमेलआव गनायथि होनाय जादों आरो बे बिथांखिखौं थाबैनो जुरिजेन्नाय जागोन। मिरु सरकार, राइज्यो सरकार आरो बिटिआर सरकारनि थाखाय दिनै बिटिआर ओन्सोलआव गोजोनआ फैफिनबाय। फैगौ 5 बोसोरसिम बे गोजोनखौं लाखिलानानै जौगालु, खौंसेथि गोरोबलायनाय बिथिंजों ओन्सोलखौं दावगाहोलांनाय जागोन होन्ना गिबि मन्थ्रिआ रोखा फोरमायदों। दिनै बाक्सा जिल्लायाव नुजाथिनाय समाव आलासि नब्लानि लांगोनायाव गोबां दोलो आफाद फसंथानफोरनि दैदेनगिरि बिबानगिरिफोरजों गिबि मन्थ्रिआ गुवारै सावरायलायो। गिबि मन्थ्रिआ गुबुन गुबुन आयदायाव बिसोरनि बिबुंथि जेंना बायदिफोरखौं खौरां लायो। बेजों लोगोसेनो गिबि मन्थ्रिआ दिनै बाक्सा जिल्ला बेंगिरि मावख’नि लांगोनायाव फांसे बकुल बिफां गाइयो।□

बिटिसियाव खुंथायारि राहानि जेबो खान्थि गैया: बिस्वजित दैमारि

बाहागो लागोन होन्ना रोखायै फोरमायथिदों। राजखान्थि दोलोफोरनि जेबो सिमा गैया। गासैबो बिसायख’थियाव बाहागो लानानै रावबो जेनगोन होन्ना गेलेया आरो बे बायदिनो बिजेपि दोलोआबो जेनगोन होनालाबानो देरहागोन होन्नासो बिसायख’थि गेलेगोन होन्ना बुंथिगिरिया फोरमायबावदों। दैमारिआ बिटिसियाव हादरआरि आरो ओन्सोलआरि दोलोन जेबो फारागथि गैया होन्ना फोरमायदों। गासैबो दोलोआनो एफे, बिटिसिनि सुबुंफोरसो बिसायख’थिखौं गेलेगोन। बिजेपिआ बेवहाय थोंजों बाहागो लागोनब्लाबो बिसायख’थिखौं बिटिसिनि नोगोरआरिफोरसो गेलेगोन। बेनिखायनो बिटिसिआ बिटिसिनि नोगोरआरिफोरनि आखायवनो थागोन। बे काउन्सिलखौं जाय सुबुंफोरनि थाखाय खुंथाइआरि रहा खालामनानै होदों बे अन्सोलनि सुबुंफोरनि आखायवनो थागोन। बेवहाय दोलो हिसाबै गुबुन गुबुन जानो हागौ। बे राहाया बिटिसिनि थागिबिफोरनि थाखाय जेबो रोखोमनि उसुबिदा जाहोनाय नङ होन्ना दैमारिआ गावनि मिर्जिथिनायखौं फोरमायदों। मानोना बिटिसियाव बिटिसिनि सबुंनि थान्दैफोरसो सरकार सामलायदों। सरकारआ बिजेपिनि जायोब्लाबो बिटिसिनि सुबुंफोरसो थांखिखौं लागोन। बिटिसि बिसायख’थि होन्ना जेबो गुबुन बिथिंजों सावरायनो नाङ। माबोरै राइज्योफोरजों सोमोन्दोखौं गाहाम खालामनो हागोन आरो बिसायख’थिखौं माबोरै देरहानो हागोन बेखौं लानानैसो बिजेपि दोलोआ खामानि मावगासिनो दङ होन्ना दैमारिआ फोरमायदों। मख’नो गोनांदि, कक्राझार आलासि नब्लाङव दिनै आसाम बिधान सभानि गाहाइ बुंथिगिरि बिस्ववजित दैमारिआ खौरांगिरिफोरनि सिगाङव खुंथायारि राहानि जेबो खान्थि गैया होन्ना मोनसे बेरफ़ूसार बिबुंथिजों लोगोसे अजद होदों। बे बिथिङव दैमारिआ इउपिपिएल दैदेन्नाय काउन्सिल सरकारनि सायाव आसि दिन्थिनानै बिटिसिखौं खुंथायारि राहा सामलायनो रोङखै होन्ना बड’लेण्डनि काउन्सिलनि बिधान सभा भवनआव दिनैसिमबो बिटिसिनि मोनसेबो बिलनि थांखिख़ौनो मावफुंनो हायाखै होन्ना फोरमायदों। मोनसे साबना हामना खुंथायारि मावफुं राहा खालामनो हायैनि थाखाय गले गले जेंनाल’ सोमजियाखै, खान्थिनि आंखालआव जेसेबां फाण्ड, जेसेबां बिफान होयाथों मानो मुलाम्फा जानो हायाखै होन्ना दैमारिआ बेरफ़ूसार बिबुंथि लाखिदों। बिटिसियाव बोसोरफ्रोमबो 800 निफ़्राय 1 रोजा कौटि रंसिम पेकेज हरनाय जायो। नाथाइ रांखान्धियारि बोसोराव बाहायनो हायैनि थाखाय बोसोरफ्रोमबो 200–300 कौटि रांआ गिदिंनानैसो थांफिनजोबो। बेनि थाखायनो खुंथाइ राहानि खान्थिखौं गोरोबाखै होन्ना फोरमायथिदों। बे खेबआव बिटिसियाव गोबां मावनांगो दङ। सरकारनि सान्नाय हनायफोरा गासैबो थिगैनो दंमोन नाथाइ खामानि मावनायनि जेबो रोखोमनि खान्थि गैयैनि थाखायनो हा हुनि जेंनाखौं सुस्त्रांनायनि बिथिङव जेंना सोमजिनायल’ नङ, गाव गावनि नियादि पाट्टानि हाखौं सोरनो फान्नांगो आरो सोरनो मुं सोलायनानै होनांगो बेखौं राइज्योआरि खाजोना बिबानगिरि थाखोआवनो जोबनांगौमोन। बे बिथिङव जेसेबां भिजन, मिसन लायाथों मानो खान्थिजों खामानि मावलाङब्ला गुदि थाखोनिफ़्राय जेंनाखौं सुस्त्रांनो हनाय नङ होन्ना दैमारिआ बेरफ़ूसार बिबुंथि लाखिदों। बिटिसियाव अमा मिसन, आबाद, आखाय इसान, रेसम बायदियाव लानाय बिथांखिफोरनि गनायथिया मोजांमोन नाथाइ बाहायनाय बिथिङव मावफुंनो हायाखै। नोगोर आफादनि बिसायख’थि खुंनांगौमोन नाथाइ खुङाखै। बेनिखायनो ओन्सोल जौगाखांनायनि खामानि मावनो हायाखै। दैमारिआ बिटिसि बिसायख’थिनि गोनांथार फोसावथाइफोरखौं आगष्टआव फोरमायथिगोन होन्ना फोसावदों।□

माहाम देहानि राहा नोरसिं बिलाइनि दैया सावस्त्रिनि थाखाय मुलाम्फा गोनां

नोरसिं बिलाइखौ बांसिनै जाग्रा मुवाफोरनि थावनायखौ बांहोनो थाखाय बाहायनाय जायो। नाथाय, बेयो नोरसिं बिलाइयाव मोन्नाय मुलियारि गुनफोरा नोंथांनि सावस्त्रिनि थाखाय मोनसे बोर जानो हागौ। नोरसिं बिलाइनि दै लौनायनि माखासे सोमोनांथाव सावस्त्रि मुलाम्फाफोर दं। दाइबेटिस बेरामिफोरनि थाखाय नोरसिं बिलाइनि दैया जोबोद मुलाम्फा गोनां जानो हागौ। नोरसिं बिलाइनि दैयाव थानाय गुदिमुवाफोरा ब्लाड सुगारनि थाखोखौ सामलायनायाव मदद होनो हागौ। बेखौ गाडि कलेस्ट्रलनि थाखोखौ बाडइ खालामनोबो लौनो हायो जायनि ओंथिया बे मिथिगायारि लौनाया नोंथांनि बिखांनि सावस्त्रिखौ गोखों लाखिनोबो गोहोम गोनां जानो हागौ। नोरसिं



बिलाइनि दैयाव थानाय मुलियारि गुनफोरा नोंथांनि बिबुनि सावस्त्रिखौ साबसिन खालामनायाव गोहोम गोनां जानो हागौ। जुदि नोंथाड उदैजों सोमोन्दो थानाय जेंनाफोरनिफ्राय उदां जानो लुबैयोब्ला सामफ्रोमबो फुडव नोरसिं बिलाइनि दै लौनो जागायजेन। नोंथांनि फोरमायथिनि थाखाय नोंथाड सप्ताहसेनि गेजेरावनो मोजां गोहोम गोरलैनो हमगोन।

नोरसिं बिलाइनि दै लौनानै नोंथाड नोंथांनि देहानि मेटाबलिजमखो बांहोनायनि अनगायैबो नोंथांनि लिरथाय खमायनायनि दावबायनायखौ गोरलैसिन खालामनो हायो। बेनि अनगायैबो, नोरसिं बिलाइनि दैया नोंनि बिगुर आरो खानाइनि थाखायबो जोबोद मुलाम्फा गोनां जानो हागौ। साबसिन फिथायनि थाखाय, बेखौ उदै खालिआव लौनांगौ।

असमिया सावथुन 'प्रस्तावना-प्रस्तावना'नि पस्टार ट्रेलार आरो मेथाइफोरा रिलिज जाबाय

असमिया सावथुन 'प्रस्तावना-प्रस्तावना' नि बानायगिरिफोरा बावैसो गुवाहाटीयाव पंजाबरीनि जुरिपारआव खुंजानाय मोनसे हाबाफरियाव बिन पस्टार ट्रेलार आरो साउन्डट्रेकखौ बेखेवनाय जायो। थांनाय बोसोराव फोसावनाय सावथुनखौ दिलिप बरा आरो मानिक रायनि फावआव बानायनाय जादों आरो दा रिलिजनि थाखाय थियारि जाबाय। दिलिप बरानि बाखायजाथाव सल'मा' यात्रा निफ्राय जानाय 'प्रस्तावना-प्रस्तावना' जाथायनि सायाव बिथा खालामजानाय आरो बेखौ बराया गावनो ड० रबिन सर्यकियाजों ज' लोगो नांनानै दिहुन्दों। बराआ सासे मुंदांखा सल'मागिरि, सुंद' सल' लिरगिरि, रायथाइ लिरगिरि आरो क'लमनिस्टफोर दं, जाय गावसोरनि गुदि सल' आरो गोसो गुदुं सल'फोरखौ



फैसालियाव सिनायथि होयो। आसामनि हौवा फावथाइ हरिनि सासे मुंदांखा बराजों लोगोसे दिथागिरि आरो गुवाहाटी शिशु

नाट्य बिद्यालयनि गायसनगिरि माणिक रायआ खालामदोंमोन। रायआ बाखायजानाय राइज्यो आरो हायुडरि थाखोनि नायजाब

दिहुननायफोरखौ गावनि रोंग'थिखौ बिहोमा होयो। प्रस्तावना-प्रस्तावना सावथुना आथिखालनि समाजयारि आरो

राजखान्थियारि नुथाइ आरो हादतनि राजखान्थियारि खान्थियाव नांथाबना थानाय फरायसाफोरनि सायाव बेनि गोहोमखौ नागिरान दिहुनो। बे सावथुना बेनि सोमोन्दै रोखा खालामो, राजखान्थियारि आखाय होनाया सोलोंथाइनि गुदि थांखिफोरखौ माबोरै गोरोबथा खालामनो हायो बेखौ दिन्थियो, जाय नुजाबोनाय जोनोमारि अन्याय आरो सोबख'ग्रा गोहोखौ दिन्थियो। गुदिनिफ्राय बे सावथुना आथिखालनि लाइमोनफोरनि थाखाय मोनसे रंजाथाव आरो बिदा फंबायनि सानस्त्रिफोरनि सायाव गोसो बोनो हायो।

श्रीदेवीनि माखासे गोरोन्थिनि थाखाय माधुरी दीक्षितआ मुलाम्फा जादोंमोन

बलिउडनि चान्दनी श्रीदेवी आरो धक-धक गार्ल माधुरी दीक्षितआ भारतयारि सावथुननि टप फावखुंमिगोन। सानैबो फावखुंमिफोरा गावसोरनि सावथुन जिउ राहायाव गिदिर हिट होदोंमोन। 80 जिथायाव माधुरीनि सिगां श्रीदेवीआ बलिउडआव साग्लोबसारनानै दंमोन। नाथाय श्रीदेवीआ जाय सावथुनखौ नेवसिदोंमोन बेयो माधुरी दीक्षितनि बाहागोआव गोरलैदोंमोन। बेल'नड नाथाय गोबां सावथुनफोर दं, जाय श्रीदेवीआ नेवसिनायाव माधुरीआ मोन्दोंमोन। बेफोर गासै सावथुनफोरा सुपार हिट फोरमान जादोंमोन आरो माधुरी दीक्षितआ बलिउडआव धक-धक गार्ल मुं मोनो हादोंमोन। बेयो थारैनो श्रीदेवीनि थाखाय माधुरीआ बलिउडआव स्टारडम मोनो हादों। 1988 माइथायाव रिलिज जानाय सावथुन



तेजाबखौ गिबि खेब श्रीदेवीनो जासिनाय जादोंमोन। बे समाव श्रीदेवीआ बलिउडनि रानी जादोंमोन। श्रीदेवीआ मोनसे गिदिर प्रजेक्टआव गोसो होनायनि थाखाय तेजाबखौ नेवसिगारदोंमोन आरो बे सावथुनाव माधुरीआ जायगा मोन्दोंमोन। बे सावथुननि मेथाइआ 'एक दो तीन' मोन। दासिमबो हिट आरो

सावथुननिफ्राय माधुरीआ 'मोहिनी' मुं मोन्दोंमोन। बे समाव माधुरीआ बलिउडआव जोबोद नांथाबना दंमोन आरो गावनि मोसानाय आरो समायनाजों मानसिफोरखौ जावलिआ खालामदोंमोन। तेजाबनि उनाव श्रीदेवीया 1992 माइथायाव फैनाय सावथुन 'बेटा'खौबो नेवसिगारदोंमोन आरो बे सावथुनाव माधुरीआ

फिन एन्ट्रि खालामनो मोनो। बेटा सावथुना बै समनि बयनिखुइबो बांसिन रां आरजिनो हानाय सावथुन जायो आरो सावथुननि गासैबो मेथाइफोरा चार्टबेस्टर फोरमान जायो। बे सावथुननि धक धक मेथाइजों माधुरीआ महिनी मुंनि उनाव गुबुन मोनसे धक धक गार्ल मुं मोन्दोंमोन।

दिव्या भारतीआ 1993 आव बेलक'नि- निफ्राय गोग्लैनानै रुंसारि जादोंमोन

90 जिथाइनि बलिउडआव सासे जोबोद समायना आरो लाइमोन फावखुंमि दंमोन, जाय सावथुन फैसालियाव फैदोंमोन। नाथाय 19 बोसोर बै सोयावनो मोनसे जाब्रबथाइआव बे समायना फावखुंमिया मुलुगखौ बिदाय होदोंमोन। बे फावखुंमियायो जाबाय दिव्या भारती, जाय 1993 माइथायाव माखासे सावथुनफोर खालामखानायनि उनाव बेलकनिनिफ्राय गोग्लैनानै रुंसारि जादोंमोन। दिव्या भारतीनि बे जाब्रबथाइजों रुंसारि जानायखौ गासै मुलुगानो सोमोनांदोंमोन। मख'नो गोनांदि, दिव्या भारतीआ उन्दै समनिफ्रायनो फाव



खालामनो मोजां मोनोमोन। बियो गावनि बिमाजों सावथुनफोरनि सोमोन्दै रायज्लायोमोन। बेबायदिनो मोनसे सावरायलायनायनि सल'खौ बिथांनि बिमा मीता भारतीआ बिथांनि थैखानायनि

उनाव फोरमायना होदोंमोन। मीता भारतीआ बुंदोंमोनदि, बियो उन्दै समाव गोबां गेलेमु गेलेयोमोन आरो दिव्याआ सावथुननि सोमोन्दै गोबां बात्रा रायज्लायोमोन। बियो गेलेनायाव मिनिनानै सोंबाय

थायोमोनदि, सावथुनफोराव मिनिनाय आरो गाबनायनि फाव खालामनांगोन। नाथाय बबेबा सावथुनाव जुदि थैनाय फाव खालामोब्ला अब्ला बिसोरो थैनांगोन। बेखौ खोनानै दिव्यानि बिमाया सोमोनांदोंमोन। बियो दिव्याखौ बु. जा. य. दे. मो. न. दि., सावथुनफोरनि नुथाया गासैबो नंखाय, बेबायदि थासारियाव थैनायनि नुथाइनि थाखाय थैनांगौ गैया। अदेबानि बियो दिव्यानि उन्दै समनि रायज्लायायमोन। नाथाय सोर मिबथिगौदि, दिव्या भारतीआ जोबोद खम बैसोआवनो बे मुलुगखौ नागरांगोन।

सलमान आरो ऐश्वर्यानि सावथुन 'हम दिल दे चुके सनम'आ 26 बोसोर आबुं जाबाय

संजय लीला भन्सालीनि ब्लकबास्टर हिट सावथुन हम दिल दे चुके सनम सावथुना 26 बोसोर आबुं जाबाय। बे सावथुना नायगिरिफोरनि गोसोआव मोनसे जायगा बानायदों। बे सावथुननि सेबखानाय समाव ऐश्वर्या आरो सलमानआ गावजों गाव खाथियाव फैदोंमोन। आथिखालाव ऐश्वर्या रायनि बिमानि फाव खालामनाय स्मिता जयकरआ रोखा खालामदोंमोनदि शुटिनि समाव सलमान खान आरो ऐश्वर्या रायआ गावजों गाव मोजां मोनलायदोंमोन। जेब्लाबो मोनसे मोन्दो'थि दंमोनदि, हम दिल दे चुके सनमआव ेसलमान आरो



ऐश्वर्यानि गेजेराव फोथायथावै के मिस्ट्रीआ फाव खालामनायसिमल'नडमोन। सावथुनाव ऐश्वर्यानि बिमा स्मिता जयकरआ बेखौ रोखा

खालामदों। बावैसो मोनसे सुलुडव जयकरआ सेटआव गोमोथाव आबहावाखौ गोसोखांदोंमोन। सलमान आरो ऐश्वर्यानि सोमोन्दै

बिथाड बुंदोंमोन, बिसोरो बैयावनो मोजां मोनलायदोंमोन। बिसोरनि सोमोन्दोआ जौगादोंमोन आरो बेयो थारैनो सावथुनखौ

हेफाजाब होदोंमोन। बे सावथुना 2025 मायथाइयाव 26थि बोसोर आबुं जाबाय। मुंदांखा सावथुन दिहुनगिरि संजय लीला भन्सालीआबो सलमान आरो ऐश्वर्यानि गेजेराव सोलिबाय थानाय रमान्सनि सायाव सावरायदोंमोनदि, थारैनो बिसोरनि गेजेराव थार मोजां मोनलायनाया जौगागासिनो दंमोन आरो बिसोरनि केमिस्ट्रीआ शुटिंखौ आरोबाव जादु गोनां खालामदोंमोन। मिबथिनो मोन्नाय बायदिब्ला, सलमान खानआ 'हम दिल दे चुके सनम' सावथुननि सेबखानाय समाव फावखुंमि समी आलीजों सोमोन्दोआव दंमोन।

1970-80 जौथाइआव मिथुन चक्रवर्तीनि अन्साइजानाया गुबुन मोनसे लेभेलआवमोन। मिथुन चक्रवर्तीखौ बलिउडनि डिस्क' किंग बुंनाय जायो। बनि मोसानाय आखुफोरा सोमोनांथावमोन। नाथाय मिथुन चक्रवर्तीआ मोसानायनिफ्राय गोबां फावखुंगुरफोरा रश्क जायोमोन। कपिल शर्माजों मोनसे मोगा-मोगिनि समाव बलिउडनि मुंदांखा फावखुंगुर राज बब्बरआ सावथुननि सल'खौ गोसो खांदोंमोन, जेराव बिखौ मिथुन चक्रवर्तीजों लोगोसे नुनो मोन्नाय जादोंमोन आरो गुबुन सिन्डिकेट दानाय जादोंमोन, बनि उनाव करिय' ग्राफरनि सिगाडव सोमोनांथाव



खामानि मावनो जागायदोंमोन। समाजयारि बिजोंआव बब्बरनि भिडिअया गोखैयै भाइरेल जागासिनो दं। इनस्टग्रामआव बलिकिक मुंजों बानायनाय पेजआव बलिउडनि मुंदांखा फावखुंगुर राज बब्बरनि मोनसे भिडिअ पस्ट खालामनाय जादों। बे भिडिअयाव गावनि हम पांचनि सोमोन्दो मोनसे सल'बात्राखौ शेयार खालामदों।

बिथाडा बुंदोंमोनदि, बनी कापुरनि गिबि सावथुना हम पांचमोन। बे सावथुनाव सासेनि बांसिन मोसाग्राफोर दंमोन। बे समावनो मिनिनानै मिथुननि आथिंखौ बोनानै बिथाडा बुंदोंमोनदि, बिसोर मोजां मोसाग्राफोर नडमोन। सशेल मिडियाआव बे भिडिअया जोबोद गोखैयै भाइरेल जागासिनो दं।

26 बोसोर सिगां रिलिज जानाय 'दुश्मन' सावथुना नायगिरिफोरखौ जोबोद गिखांहोदोंमोन

26 बोसोर सिगां फोसावजानाय बलिउडनि बे 'साइक' थ्रिलर सावथुना नख'राव नायगिरिफोरखौ गिखांहोदोंमोन। बे बलिउड सावथुननि सल' आरो बनि भिलेनआ सुबु'फोरखौ जोबोद गिनाय

सोमजिहोदोंमोन। बे सावथुनखौ नायखानायनि उनाव माखासे समसिम सुबु'फोरनि गोसोनिफ्राय बे सावथुननि मोनफ्रोमबो नुथाइ आरो भिलेननि गिथावना मोखांआ गोसो मेलेमनिफ्राय थाडाखैमोन।

दिनैसिमबो जेब्ला बे सावथुनखौ मुंख'नाय जायो, अब्ला दुथांनि थैजों दागो नांनाय मोखाडा मेगननि सिगाडाव नुजाथियो। बे सावथुना गावनि भिलेननि थाखाय बक्स अफिसआव मोजाडै



रां आरजिनो हादोंमोन। 1998 माइथायाव रिलिज जानाय बे सावथुननि मुडा 'दुश्मन' मोन। सन्जय दत्तआ सावथुनाव दिव्यानि फाव खालामदों, जाय काजलखौ मोजां मोनो। सावथुनाव काजलआ सनिया

आरो नैना सहगलनि जावजा फाव खालामदोंमोन। आशुतषआ भिलेन महर्रे काजलनि बिनानावखौ ओरैबायदि अनागारियै बुथारनाय जायोदि, जाय नायगिरिफोरखौ जोबोद गिनाय सोमजिहोदों।

आसाम पुलिसआ वर्ल्ड पुलिस एन्ड फायर गेम्सआव गं 8 मेडेल लाबोनो हादों

गुवाहाटी, 5 जुलाई: आसाम पुलिस मावसुमाफोरा आमेरिकानि बिमिघामआव खुंजानाय वर्ल्ड पुलिस एन्ड फायर गेम्सआव गसै गं 8 मेडेल लानानै फैनो हादों। जायनि फारिआव गेलेगिरिफोर गं 5 सना आरो गंथाम रुफा लाबोदों। आसाम पुलिससनिफ्राय दिन्थिफुंनैनाय बे बादायनायाव रिस्ट रेसलिं केटेगरिआव साब्रै अफिसारफोरा मेडेल देरहादों। कान्डारापा बरुवाआ बे फारिआव गनै सनानि मेडेल देरहादों। जेराव बिथाडा आगदा आरो आगिस आखाइनि बाउट मोननैयावबो



देरहानो हाजों। अमलानजित बरुवाकुरआबो गनै मेडेल देरहादों। जेराव बिथाडा आगदा आखाइआव सना आरो आगिस आखाइनि केटेगरिआव रुफानि मेडेल देरहादों। जुनमनी दासआ आगदा आखाइनि

केटेगरिआव सना आरो आगिस आखाइनि केटेगरिआव रुफा मेडेल देरहानो हादों। गुबुन फासै लभिता कचआ आगदा आखाइनि केटेगरिआव रुफा आरो आगिस आखाइनि इभेन्टआव सना देरहादों। बिथांमोननि बेबादि जाफुंसारै दिन्थिफुंनो हानायनि सायाव राइज्योननि गिबि मन्थि ड हिमन्त बिश्व शर्माआ गोजोन्या फोरमायदों। जेराव बिथांमोननि बेबादि जाफुंसारनाया आसामनि गोग्गाथाव फोरमायदों। वर्ल्ड पुलिस एन्ड फायर गेम्सआ मोनसे अलिम्पिक स्टाइलआव खुंजानाय

मुलुगनाडारि इभेन्ट। जेराव मुलुगनिफ्राय पुलिस अफिसारफोर, फायर फाइटर आरो बर्डर प्रटेक्सन फर्सफोरनिफ्राय बाहागो लाहैयो।

बेखौ के लिफर्निया पुलिस एथलेटिक्स फे डारेसन, डब्लिउपिएफजिआ जुथायै बान्जायो। बे फारिआव आमेरिकाआ

गं 351 सनाजों गसै 811 मेडेलआव गिबिआव थानो हादों। जेराव ब्राजिलआ 164 सनाजों गसै 469 मेडेलजों नैथिआव थानो हादों।

गुकेशआ जागरेभ सुपार इन्नाइटेड रेपिड चेसनि बिमुं देरहादों



गोदान दिल्ली, 5 जुलाई: क्रएसियानि जागरेभआव खुंजानाय सुपार इन्नाइटेड रेपिड एन्ड ब्लीटज टुर्नामेन्टआव भारतनि चेस गेलेगिरि डि गुकेशआ रेपिड बिमुंखौ देरहाबाय। बे टुर्नामेन्टआ ग्रेन्ड चेस टुर 2025 नि मोनसे बाहागो आरो गुकेशआ रेपिड फर्मेन्टआव 18 नि गेजेराव 14 पइन्टजों बिमुंखौ देरहादों। बिथाडा जोबथा

राउन्डआव आमेरिकानि बादायारि वेस्लेखौ 36 मुभसआव फेजेनानै बिमुंखौ देरहादों। बे फारिआव गुकेशआ टुर्नामेन्टआव बादायनाय खेब 9 मेचआव खेब 6 देरहादों, खेबनैआ इआव थुंगेदों आरो गुबुन खेबसेआव जेन्नायजों मोगा-मोगि जानांदों। बे टुर्नामेन्टनि गिबि बादायनायाव पलेन्डनि जन खुस्ताफ दुदाआ 59 मुभसआव

बिथांखौ फेजेन्टोंमोन। बेनि उनाव गुकेशआ आवगायफिन्नानै फ्रान्सनि अलिरेजा फिरजा आरो भारतनिनो प्रज्ञानन्दखौ फेजेन्टों। त्रैथि राउन्डआव उन्बेकिस्ताननि नदिरबेक आबुदुसतारभखौ फेजेन्नायनि उनाव बाथि राउन्डआव आमेरिकानि फेभियान कारुआनाखौ फेजेन्टो हादों। 6 थि राउन्डआव गुकेशआ नर्वेनि मेगनास कार्लसनजों बादायनायावबो देरहानो हादों। जेराव गुकेशआ कार्लसनखौ 1 दाननि गेजेरावनो नैथि खेब फेजेन्टों। मानोना थानाय 2 जुनआव बिथाडा नर्वे चेस टुर्नामेन्टआवबो बिखौ फेजेन्टो हादों। बे टुर्नामेन्टआव प्रज्ञानन्दआ खेब 9 मेचआव खेबसेल' देरहादों। जेराव बिथाडा खेब 7 आव इ आरो खेबसेआव जेन्नायजों मोगा-मोगि जानांनयजों 9 पइन्टल' आर्जिनो हादों।

निरज चप्राआ दिनैनिफ्राय जागायनाय क्लासिक इभेन्टखौ लानानै गोजोन्या फोरमायदों



गोदान दिल्ली, 5 जुलाई: भारतनि अलिम्पिक सेम्पियन निरज चप्रा क्लासिक इभेन्टआ दिनैनिफ्राय जागायबाय। भारतआव खुंजानाय गिबि वर्ल्ड एथलेटिक्सफोरनि थाखाय बे इभेन्टआ मोनसे टप लेभेलनि इभेन्ट जाबाय। जेराव बे इभेन्टखौ निरज चप्राआ बान्जायदों। बेंगालुरुनि श्री कान्तिरभा स्टेडियमआव खुंजानाय बे इभेन्टआ दिनै 5 जुलाईनि मोनाबिलि 7.00 रिंगानिफ्राय जागायो। बेखौ बान्जायनाय सिगांनो खौरांगिरिनि मोगा-मोगिआव निरजआ मेडेल देरहानायखौ गुबुन बाश्वा फोरमायनानै बे इभेन्टखौ हादरआव बान्जायनायखौ लानानै गोजोन्या फोरमायदों। जेराव बेनि गेजेरजों भारतनि जेभलिन खुबैग्राफोर वर्ल्ड क्लास एथलीटफोरजों गेलेनो खाबु मोन्नायखौ फोरमायदों। निरज चप्रा क्लासिकआ मोनसे बायलिटरेल कन्टिनेन्टल टुर मिटि जेराव बेयो वर्ल्ड एथलेटिक्सजों निरजआ जुथायै बान्जायो। मुलुगनाडै वर्ल्ड एन्ड कन्टिनेन्टल सेम्पियनसिप आरो डाइमन्ड लीग मिटिसनि अनगायै कन्टिनेन्टल टुरनि इभेन्टआबो मोनसे जर'खा सिरिज महैर मिथिजायो। निरजआ अलिम्पिक देरहानाय उन्ननिफ्रायनो भारतआवबो वर्ल्ड क्लासनि एथलेटिक्स इभेन्ट खुंफुंजानो लुबैनयखौ फोरमायदों। जेराव बेनि थाखाय बिथाडा मोखथाखव महरहोनो थाखाय जेएस डब्लिउ स्पेट्स आरो गुबुन गुबुन

स्पन्सरजों जुथायै हाबा मावदों। 12 टप इन्टरनेसनेल आरो भारतनि जेबलिन खुबैग्राफोर बे इभेन्टआव बाहागो लागोन। 2016 नि अलिम्पिक गल्ड मेडलिस्ट थमास रहलार आरो रिय अलिम्पिकनि सिलभार मेडलिस्ट जुलियास येग'आबो बेथाव बाहागो लाफैगोन। आमेरिकानि कार्तिज टम्पसननि सोलिफु सिजनआव साबसिन खुबैनय जान्थाया 87.76 थिसनजादों। जेराव बिथाडाबो बे इभेन्टआव बाहागो लाफैगोन। बेंगालुरुनि श्री कान्तिरभा स्टेडियमआव भारतनि अन्सायगिरिफोरा मुलुगनां गेलेगिरिफोरखौ थोजेडै नायनो खाबु मोन्दों।

सन्जु सेम्पसनआ प्लेयार अक्सनआव गोबां राडव बायजादों

गोदान दिल्ली, 5 जुलाई: केरेला क्रिकेट लीगनि नैथि सिजननि थाखाय दिनै थामहिन्ब 5 जुलाईखालि तिरुवन्तपुरमआव जालानाय प्लेयार अक्सन हाबाफारिआव भारतीय क्रिकेट हान्जानि गोबों उडकेट किपार बेट्समेन सन्जु सेम्पसननि सायाव गोबां रां खरसा खालामदों। सेम्पसनआ बे लीगआव गोबां राडव बायजानायजों बेसेन गोसासिन गेलेगिरि जानो हादों आरो नैथि सिजनआव कचि ब्लु टाइगासनि हान्जानों गेलेनो थाखाय जान्जि खाफ्रादों। जालानाय बे अक्सनआव गसै हान्जाफोरनो 50 लाख रडे'खरसा खालामनो होनाय जादोंमोन। जेराव सेम्पसनखौ लानो थाखाय बिथानि हान्जाआ 50 जौखोन्डोनि बांसिन खरसा खालामदों। सन्जुखौ केरेला क्रिकेट



लीगनि नैथि सिजनआव हान्जानि बाहागो खालामनो थाखाय कचि ब्लु टाइगासनि हान्जानों गेलेनो थाखाय जान्जि खाफ्रादों। जालानाय बे अक्सनआव गसै हान्जाफोरनो 50 लाख रडे'खरसा खालामनो होनाय जादोंमोन। जेराव सेम्पसनखौ लानो थाखाय बिथानि हान्जाआ 50 जौखोन्डोनि बांसिन खरसा खालामदों। सन्जुखौ केरेला क्रिकेट

बाहागो खालामनो आगान सुरदों। टी-20 क्रिकेटआव सेम्पसनआ गोबों अपेनार बेट्समेनफोरनि फारिआव जायगा मोनो। थानाय माखासे बोसोराव आइपिएलआव राजस्ताननि केप्टेन जाबोनाय सेम्पसनआ दासिमआव गेलेनाय टी-20 फर्मेन्टनि खेब 304 मेचफोराव 29.68 जौखोन्डोजों 7629 रान लाबाय। जायनि फारिआव बिथाडा खेब 6 सेन्सुरि आरो खेब 42 हाफ सेन्सुरि लानो हादों।

भारतीय फुटबल हान्जानि गोदान कचनि आर'जलाइ हांखायनाया जागायबाय

गोदान दिल्ली, 5 जुलाई: अल इन्डिया फुटबल फेडरेशनआ गाज्रि फर्मेजों मोगा-मोगि जाबोनाय हाँवाफोरनि हान्जानि थाखाय गोदान कच हांखायदों। जायनि थाखाय बेनि आर'जलाइ गथायनायनि जोबथा अक्खौ 13 जुलाईसिम थिनानै होदों। स्पेननि मनल' मार्कासआ बिबाननिफ्राय ओखारनायनि उनाव हान्जानि गोदान कच नागिरनायखौ जागायदों। मार्कासआ एआइएफएफजों गोरोबनाय गैथैनि थाखाय हान्जाखौ नागरदों। जेराव बिथाडा थानाय बोसोरावसो हान्जायाव जइन्ट जादोंमोन। अल इन्डिया फुटबल फेडरेशनआ गावसोरनि मावख'यारि वेबसाइडआव सिनियर हाँवाफोरनि माहारियारि हान्जानि गोदान कचनि थाखाय एआइएफएफ नेहाथारिसिम रिपर्ट होनांगोनखौ फोरमायदों आरो गसै मेच-टुर्नामेन्टफोराव दिन्थिफुंनयनि थाखाय फिन्नाय होनांगोनि गोनांथिखौ फोरमायदों। गाहाइ कच बिबाननि थाखाय बे खेबआव मोजां रोंगथि गोनां गेलेगिरिफोरखौ नागिरदों। बेनि थाखाय लाइमोन आरो सिनियर लेभेलआव 10-15 बोसोरनि कचि फोरैथाय होनाय बिजाथिखौ फेडरेशनआ हांखायदों।

SINCE 1982

DAS JEWELLERS

1982 To 2025
43 Years Anniversary

थांति मोनां-थांति दास

J.D. Road Kokrajhar

43 बोसोरआव आगान होबाय कक्राझार सहरआव थानाय दास जुयेलासआ। बेनिखायनो बायगिरिफोरखो 43 जौखोन्डो वानायनायनि बेसेनखौ रेहाय होनाय जादों। बे स्वाबुखौ 27 जुननिफ्राय 15 जुलाई, 2025 सिम होनाय जागोन। बे रेहायखौ कक्राझार स्व' रुमआवल' होनाय जागोन। गोसो गोनां सना बायगिरिफोरा गाहायाव होनाय फन नम्वरआव जगानजग खालामनो हागोन।

For 43 years Anniversary of our Kokrajhar Showroom gets a Gold Makeover a discount 43% on making Charges,

Offer period 27th June to 15th July, 2025

Condition apply: This offer period is applicable only for the Kokrajhar Town Showroom

Ph: 03661-355618, Cell No.: 8876631728

आसाम सरकार

देशभक्ति कुइज

देशभक्त' तरुन राम पुखन
22 जानुवारी 1877-28 जुलाई 1939

'देशभक्ति सान'जों लोब्बा लाखिनानै मोनसे उदां सोंगाव बादायलायनाय

देशभक्त तरुन राम फुखनखौ मान होनाइ

सासे सैथो हादर सिबिसुला आरो भारत उदांरि सोमावसारनायनि दैदेनगिरि

भारतनि उदांरि सोमावसारनाय, आसामनि थामोन्था बायदिनि सायाव नोंथानि गियानखौ फेहर

अक्ट'-27 जुलाई 2025 थावनि- श्रीमन्त शंकरदेव कलाक्षेत्र, पान्जाबारि, गुवाहाटी

सम - फुनि 10:00 रिगा

गोसो बोनो हाथाव
सां बान्था

सोर बाहागो लानो हागोन?

- बयनिबो थाखाय उदां
- सा 3 सोद्रोमायारि हान्जा

दानो मुं थिसन

बेसेन नाडै मुं थिसननाय

मुं थिसननायनि जोबथा अक्ट'

15 जुलाई 2025

बान्जायदों: फोरमाइथाय आरो सुबुं फोनांजाव बिथोनगिरि सामलाइख', आसाम

फोरमाइथाय आरो सुबुं फोनांजाव बिथोनगिरि मावख', आसामजों

Connect with us @diprassam dipr.assam.gov.in

आसाम बातां सावरकाइव खालामनो थाखाय 'Assam' लिखनानै 7636834943 आव वात्सरप खालाम

Owned, printed and published by Garkhwad Basumatary from Maibong Nwgr, J.D. Road, Kokrajhar, W/No. 5, P.O. & Dist. Kokrajhar, B.T.C, Assam; Printed at BODOSA PRESS, Gwjwmpuri, P.O. & Dist. Kokrajhar, B.T.C, Assam; Phone & Fax No : 03661-276785; E-mail: bodosa@gmail.com, bodosa_daily@yahoo.co.in; Editor : Baburam Basumatary, Executive Editor : Mwgthang Basumatary